

武鄉縣誌

武鄉新志卷之四

垣曲張揚祚耀銘督修



古蹟考

人生寄焉耳惟豐功碩德奇偉傑出之士赫赫然長存於天壤後之人懷古興思雖類祠廢苑遺塚荒坵以及林泉片石之微偶一目觀莫不如見其人因而題詠之增修之歎歎憑弔於無已於戲其蹟永播其人為不死矣至仙洞靈山梵刹觀宇雖荒誕不足盡信然亦足以動人景慕發人觀感姑類列焉作古蹟考

皋狼城

在縣西五十里兩漢地理志載有皋狼縣皆隸河西郡乃塞外地與蔡皋狼縣非兩城也謹案今隴石有皋狼故城與襄子不與於彼時情勢尤切其云皋狼城者隴縣本皋狼故地故亦曰皋狼城非兩城也謹案今隴石有皋狼故城與

漢地理志所載皋狼隸河西郡之說相合故附記之編者識

涅城

在縣西五十里漢上黨郡縣地名今名故城鎮城堞尚存

龍泉故城

縣西湧泉里今文廟尚存

石趙故城

一名石勒寨在縣城北原上晉永嘉末勒屯兵於此左側東河溝為石勒故居勒生時赤光滿室白氣自天屬於中庭山下草木皆有鉄騎象知縣岳徵珽有記

濕麻池

縣南二十里有谷內有小溪名麻池晉石勒與李陽嘗爭此地迭相毆擊及貴召陽至相與醺詭引陽臂笑曰昔日厭卿老拳卿亦飽孤毒手賜甲第一區拜參軍都尉

武鄉新志 卷之四 古蹟考

一

高歡避暑亭

在崇城寨東通鑑魏大丞相高歡擊爾朱兆於武鄉嘗憩此

千佛塔

在段村東門外淨業庵左側高十三級遠可望數百里康熙四十九年洪濶師建知縣李援有記

孝子里

在西關橋坡以孝子趙廷舉得名里中有井即廷舉殉父處也其孫生員趙簡建亭於上顏曰孝子井

立石

在縣東監漳村石牛泓上高三十丈獨立參天邑人魏光緒駕雲梯書仰止大字於其巔

百子亭

在子孫聖母廟東知縣高鎮建邑人趙天麒願亭前有池養朱魚於中冬夏不涸亭後有泉涓涓不絕

以上擇舊志之切合古蹟者錄之前後計共十條

武鄉十景

范士熊詩序云武鄉十景題目字精語確親歷乃識其妙前志註有支離詩亦率多影響茲為徵實分註各照擬里律一章非敢爭勝前人姑存其本來面目云耳魏守繩詩序云凡郡邑志列十景八景如春山

秋水晚積雪等名目相沿相襲幾於依樣葫蘆又題詠多用七律言山則仰攀泰岱言水則遠挹江湖排比鋪張殊多粉飾武邑志自明高曆年張公更定亦有八景後復增為十景志中每題俱有詩蓋亦聊復爾爾者茲為五古十章拘剿之見非能別開蹊徑期不失其實而已

鞞山聳翠

山自北來左右分抱城垣南低北昂為石勒寨今寨為學宮古松數株望之翠聳雲霄為一邑勝概前志註衆水奔赴云云與題相左煙巒樓堞互爭高城上看山人畫描三面雲連俱繞郭千重翠聳直凌霄鐸聞巖半聲雖渺

松嶺峯巔色不凋萬仞宮牆同仰止參天拔地總超超 山下望山脊作勢昂然聳孤城貼山切左右峰如拱朝輝與夕陰變幻日數種參錯巖林木樛開虛空擁山色望不極知是煙嵐重

漳水回瀾

漳流多矣此指在邑前者水出和順由北經縣西合西河東轉匯於縣前東南峰巒紐東處所從出也雨後漲難驟洩激蕩回旋憑城俯視足助文心前計城西三里奔瀉若山亦非本意北來漳水遠西灣東轉南回入縣灘半郭樓臺翻倒影兩堤花柳障回瀾山如砥柱羣流挽城似黃河九曲蟠欲助文心憑倚檻一波一折耐人觀 麟山一俯視漳波時混濤偶造數月早平沙但如掌好雨連數旬便已數尺長驚飄捲迴瀾可作文章想潞源無絕流浩氣須善養

南亭煙雨

南亭村也景不在村而在與縣相距之川四山疊嶂四練中橫村樹園林互其南城墻居緣其北小雨迷離炊煙籠罩真畫本也四時皆爾秋景猶佳前計專指春景失之矣 綠白塋青斷復連南亭景色畫來全林園淡抹三秋兩村郭晴拖兩岸煙一水中分穿素練亂峰高擁溼青蓮蒼蒼歸向漳濱渡驚起沙鷗飛破天 兩裏看煙村此畫最難作雨氣自霏微况復烟痕薄歷歷南亭川雲光翳墟落楊柳護樓台曉風掠山郭樹外酒旗招不礙吟鞭著

東沼風荷

城東里許舊有姚司馬蓮池亭榭對列盛夏荷開酒客騷人乘風納涼遊賞雲集洵山中罕見之景惜今湮沒出郭東探一徑香曾傳美景賞芳塘紅芙蓉日披朝露翠蓋擎風納晚涼時微花蕊臨水樹頻招酒侶借歌 屬感今客落人謙問獨有彌溪愛不忘 荷沼城垣東行行一二里士岸夾兩旁明鏡開一水想當六月中香風拂羅綺淨植日亭亭羞比昌宗美我欲避熱客造訪花君子

南山錦浪

在城東南三里許山形如浪花木叢雜每至秋深霜染林葉爛若推錦掩映於漳波吞吐之中始青女拋機而留江新濤也名曰錦浪是謂天工 南山隔水畫圖開霜葉翻風幾豈猜人訝桃花隨浪湧天張雲錦出林來 停車詩客邀同賞泛掉漁郎去不回我欲尋源潏壺句清漳一渡一律徊 城東繞城垣茲室山然起木葉翻霜風萬千門紅紫風吹離復合驚動如流水又似錦繡衣每幅見表裏不意招提境繁華竟如此

北漳夜月

北漳村距城三十里臨大河而東山道院有楸樹二株葉幹凌霄秋夜澄澈清水月交輝與樹影樓臺相照耀勝景悠然 村居漳畔對山灣夜月臨門靜不關檻外波含珠一顆鏡中峰插黛千巖蓬瀛彷彿遊俱幻殿閣清

武鄉新志 卷之四 古蹟考

虛夢自開道院亭亭雙楹植爾疑社府在人間 一樣弄明月秋來清萬景况覆川原廣彌覺非塵境隨喜人道院滿地楹柏影出門望漳流虛涵波數頃高詠天休怯霓裳冷

龍洞靈湫

在縣東九十里萬山重抱洞有神湫深黑難測寒氣逼人每雨後水流出洞虎豹常飲其側相傳風雷將軍焦龍神居此明封海濱王遇早四方禱雨者踵相接 萬雲山鎖洞深寒湫未見覺陰森巖前虎飲常留跡潭底龍蟠慣作霖地擅風雷傳自古人懷濟深到於今漫言桑梓多沾巧四海同源一脈尋 我聞夢得言水有龍則靈茲洞著神異一水長淵亭白雲滿洞口彷彿門常扇歲早禱雨應取水汲以餅餅中水一滴飛灑盈郊甸

皋狼牧雨

皋狼相傳為智趙所爭地在縣西五十里平原春滿最宜烟雨花村掩映草色蔥蘢牧人三五成羣笠笠相聞有足觀者 春皋望雨暗消魂牧地空濛野色昏芳草青鋪四五里杏花紅映兩三村笛聲隱隱人蹤渺笠影輕輕牛背翻極目皋狼何處問蒼茫猶是陣雲屯 城指蔡皋狼形勢彈丸大草色長茅草湮水環其外村落二三里參錯連隨遙遙聞牧人笛一聲快埃壘剛笠與烟蒼畫圖應可繪

崇城巖險

縣東百二十里有山曰崇城危橋度空絕壁凌漢夏日烘晴滿壑間常雷殷雨瀑殿閣皆覆巖底日照不及懸絕于切 盛暑凝寒奮有高歡避暑宮今圯登出層霄壁立雄崇城欲上路難窮攀迴鳥道千尋斷望絕虹梁一綫通雷雨倒聽天在下樓臺倒仰石凌空深叢時有古冰雪猶指當年避暑宮 邑東崇城山參天峻峭絕仰攀涉其巔危途歷百折崖谷陰森處疑有古水雪譬之高潔士不取時俗悅我為誦成語壁色立積巖

故城都會

即古潞城前志指為蔡皋狼城為都字徵實究無確據蓋縣在萬山中至此忽然開拓開闢市通孔道阡陌交橫平原蔥蘢蔚然一都會也 萬山中隔一名區鬱鬱蔥蔥此故都車馬至今猶紛繚城垣歷久半縹緲朕分綠野連千畝輻輳紅塵達四衢莫作西京嘆禾黍當年慶市未全殊 郡城建置處云始自趙王霸氣久消歌堞圯故城荒附郭多腹出禾黍迤垣牆其中列廡肆百貨仍蕃昌銅鞮宮數里形勝兩相望

進士岩

在墨鏡之崇城山為金進士李儼與明進士李輔前後讀書處後人因以名焉

慈雲寺傳書匾額

在信義河北村之慈雲寺文曰便是西天為明傳山書

傳書對聯

在縣南三里普濟寺文曰讀罷楞嚴閑聽鳥聲啼茂竹燒殘麝腦靜觀花影步蒼苔龍蛇飛舞筆勢蒼勁相傳為傳山書

裊露軒

在鳴珂里為陽曲傅山與邑人魏駟隱處

石勒牧馬處

在縣西二十五里馬牧村之南灘相傳為石世龍牧馬處村以之得名有碑碣可考

唐

槐 在城內大西巷清初邑人趙三麒於樹之中空處書茂而有間四字字體蒼勁見者贊歎

祠宇

大司空祠

在信義村祀工部尚書程啓南附祀鎮江通判程康莊

學正祠

在縣東西堡村祀沁州學正李贊

任公祠

在神西村祀陝西耀州知州任重邑舉人郝廷棟有記

元進士段光遠祠

在縣西東村

太史祠

在邵渠村祀翰林院編修李端並祀武進士李皇弼舉人李杲

進士杜公祠

在山交村為進士杜來鳳建

武鄉新志

卷之四 古蹟考

進士李重華祠

在玉品村

儒官程希灝祠

在西鄉信義村

塚墓

明萊陽知縣李輔墓

在墨鏡

明武定州州判李綬墓

在墨鏡

勅賜義士程碧墓

在信義村

鎮江通判程康莊墓

在岸北村

翰林院編修李端墓

在邵渠村

河南府知事李紹墓

易州同知李廷標墓

明孝義庠生李廷森墓

以上均在墨鏡

清武進士陝西富平營守備勅封明威將軍段武侯墓

在東村后溝

清進士魏鳳書墓

在東村村西北平頭壩俗名進士墳

元故縣尉武煥墓 在段村

明光祿寺珍饈署署正武廷弼墓 在段村

清武進士李皇弼之墓

舉人李杲之墓 以上均在邵渠

新城知縣進士李重華墓 在玉品村名高清秀圪嘴

芮城縣教諭舉人魏高陽墓 在內頃村南

清范徵君桓一之墓 在縣南東坡村之頂

清兩舉優行貢生魏大秦之墓 在韓壁村東之瓜地

營用守備武進士武海清墓 在王家溝村北胡樓底

同官縣知縣舉人任重之墓 在神西村

清戊午科武魁郝映庚墓 在馬牧村西台坡上

清兵部正郎段曉雲墓 在東村后溝文筆山

清甲午科武魁郝桂林墓 在馬牧村西台坡上

武鄉新志 卷之四 古蹟考

四

前署長子縣知事進士李華炳墓 在縣東五十里之東田鎮東北隅

曲沃縣教諭戊寅舉人魏懸書墓 在關曲村距城五里

光祿寺署正己亥舉人魏獻書墓 在關曲村

清吏部注選直隸州州判丁酉副榜魏簡書墓 在縣南佛堂坡

世襲雲騎尉魏亮生墓 在榆嶺委用訓導兼襲雲騎尉子錫鈞附

敕旌孝子魏介生之墓 在榆嶺

清候選知縣舉人魏大履墓 在韓壁村東之瓜地

城壘

考武邑在昔雖有沮城垣縣甲水等之名稱或見於唐志或見於他史今則遺址都歸圯廢多不可稽茲可考證者現距城五十里之故城鎮爲古涅城屬上黨郡城堞遺跡尙存餘則荒煙蔓草欲覓殘壘誠非易易耳編者附識
論曰名區勝地經往哲游覽題詠而益彰况荒祠遺塚爲賢豪之所寄託者乎地以人而重非人以地而傳有子陵而富春之釣台堪式有叔子而峴阜之碑碣流芳非敬斯

地實敬斯人焉然則世惟有不朽業乃始垂不朽名後之君子宜如何奮勉自勵以媲
美先烈乎

武鄉新志

卷之四

古蹟考

五

著述考

文以載道詩寓勸懲所關世運民生者至深且鉅世有以雕蟲薄之所見亦云淺矣武邑鴻彥溯明末清初煌煌炳炳復乎尙已乾嘉以還迄於近代雖遠不如前然其著述可以藏名山而光邑乘者亦大有人如弗採輯表彰返諸寸衷難忍備列簡端以期不朽作著述考

明

程啟南

字開之詳舊志人物著周易宗聖錄 陰符解 也是園集易時草 醫學纂要 集賢錄 心經註解

魏國模

字子建著四書約解 音律管見

魏雲中

字定遠號震發詳舊志人物著續皇極經世書

魏光緒

字孟縉號元白詳舊志著有撫楚奏議西臺封事南華詁字通家乘帶草樓全集泰園談紀邑乘公志潞水客談 巡東奏疏鄒西平寇紀芳杜園詩集

魏令望

字羽儀著四子拾唾集

陳所行

字力如詳舊志人物著令永紀略芝應瑞等草

趙廷抃

字獻吾詳舊志人物著河貢圖聖狂分念圖五經塵談

武鄉新志 卷之四 著述考

六

魏權中

詳舊志文苑著有太極圖鄒小草甲乙集

魏以寧

字星杓見舊志著四書筆華解觀瀾小草東山小草蓮池吟

魏廷望

字肖野著殉難集笑局園詩集

魏鴻祖

字觀揚著鈍叟家訓

清

趙天麒

字平符詳舊志隱逸著有北原山房稿理學真詮稷高士傳四書註義貞一

程康莊

字坦如號崑崙詳舊志文苑著自課堂文集秋山紅樹閣詩集香西堂集

魏駟

字龍媒見舊志文苑著草中吟

趙三麒

字乾符詳舊志人物著有相史韓山樹藩浮槎集似園集河燈圖說醫脈繫辭牧同紀略楚遊草

魏初盛

字 著詩經解四書解

魏公琦

著四書明捷解

史珥

字彤石詳舊志文苑著有晉城草澗遊詩草

陳舜裔

字孝源號石齋詳舊志人物著有印心集

李之任

字勝其見舊志文苑著有東山遊草燕遊草金屋草豫遊草匡城草

魏繩緒

字來許著妍露齋詩集

魏倫

字明川號一峯見舊志人物著有古文雜集醫毒至寶丹大中疏左氏評莊子南華註

趙士翹

字起叔詳舊志文苑著有易經註四書講

安子訥

字金銘號訥巖詳舊志文苑著經史子集手評

魏珮

字德卿詳舊志文苑著有心性才氣圖解三晉詩鈔暴狼人文志十子金丹中丞年譜四奇錄表記志序彙草諸稿歷代編年錄鑑古治統錄

陳日可

見舊志文苑著有蘭谷山房詩集醫訣心傳

陳日喜

見舊志文苑著有蘭谷續稿

趙偉品

字詳舊志文苑見山右詩存著有小歌吟集

魏駟

字龍賓詳舊志文苑著東山詩草

魏鸞翔

字儀廷號魯齋見續文儒著有武鄉建置沿革考一篇南山廟記一篇

杜李

字仲白號希古著課幼文稿

程林宗

字介山見文儒著史記文津孟子批醒左傳瓊林崑崙年譜司空家乘介山文編驚鄰詩草

武鄉新志

卷之四 著述考

趙昌業

字敬哉見文儒著潛居瑣記課餘草

王夢聘

字莘菴詳文儒著有所吟偶存詩稿

魏懸書

字雲榜見名賢著有隨城吟稿

魏守經

字亦權號一泉詳見文儒著有悔不讀齋詠史詩百篇古近體詩二卷南亭竹枝詩悔不讀齋試帖詩古文制藝各成編並著課幼緒言學詩初梳二帙

范士熊

字桓一號悅山詳見名賢著有瘦寒吟稿嚶鳴求友集集十二卷詩法訓蒙訓蒙格言

李重華

字伯香詳文儒著有淨塵菴記

郝廷棟

字柱臣號砥峯見名賢著有臨川文稿行世

魏高陽

字慕愷詳名賢著有知止軒吟草

魏簡書

字仲廉詳文儒著有爾雅註釋太極圖考易經講義

魏獻書

字俊三詳文儒著有綿山詩草俊三文編

程步堂

字玉署著憶病述略

陳祝彭

字商哲著怡雲山房草

魏亮生

字仲明號曉峯詳孝義著有問津草詩集自怡軒雜誌二卷

李華炳

字少九一字文園號樸菴詳名賢著有職方史略誦芬軒吟草行世

郝鏡堂

字虛甫著有虞封詩稿

程先民

字午橋詳文儒著有午橋詩草

李壬林

字二酉詳文儒著二酉待菴草

馮瀚清

字月溪詳名賢著課心簿

魏錫鈞

字子衡詳文儒著有下里吟詩集知不足齋詩草洗心社講稿

曹錦

字雲裳詳文儒著有謙福堂遺稿

程紹琳

字乙環詳孝義著綱鑑便覽鄉黨講義課徒草各一卷

范獻驪

字仲琛著商隱園詩鈔

郝麟

字玉書著自然廬吟草

論曰聞之燕許為大手筆是知吐屬琳琅必其人枕經胙史寢饋於斯文者非一朝一夕之故至發為文章沈浸醞郁蔚為一代大觀其文傳其人亦與之俱傳矣武邑雖地處山陬而麟炳炳或以詩名或以文著固自不乏其人又惡可以湮沒不傳以屈其

武鄉新志

卷之四

著述考

文者並屈其人耶

舊聞考

災異之說多涉迷信然日食星隕雖不關於人事而水旱飢饉寧非切於民生歷代五行志於災異諄諄備載蓋有由矣至兵火寇亂治安所係紅羊浩劫死亡流離此尤吾人所兢兢不忘者爰就所聞所傳聞者依例載列昭示來茲至禮器樂章亦關舊聞以類相從附記於篇他若幽異怪奇妄誕不經之談似非二十世紀人民所宜復道悉棄而不採作舊聞考

嘉慶二年歲大饑

斗米錢七百邑令吳邦治勸捐賑在城范園請縣自請輸粟百石助賑又以粟雜糠糶以濟饑者

十四五年連歲大饑

斗米錢七百道殍相望東村段元壯出所儲粟以濟饑者又轉糶外郡計昂貨穀陳魏牧歸粟數百石減價以糶鄰村賴以全活者無算

十八年夏五月暴雨侵稼秋淫雨大風

邑南尤厝松莊村東向洞口上建關聖閣大水暴發雨雹積二尺許狂風震驟林木摧折水高於洞者數尺摧閣破壁神像檯椅一時都盡是

秋涪縣教匪跳梁潞澤戒嚴調北鎮兵防衛樞南二驛軍務旁午民間牛馬半出所刈禾多委地其早熟者又為淫雨所殞程林宗松莊重修關聖閣記云邑於晉彈丸耳松莊則更藐矣環山阻谷者數十家無素封之蓄積乃困於水浸以露復虐以風而又地丁牛馬之供給也此即暫謀身家不遑造建非所甚急神必陰鑒而默佑之乃不移時而獲者復不移時而建之非勇於遷善易克臻此願或謂民既畏神神必庇民胡為暴雨侵圮神且不自保若是毋亦有遺靈乎而不知非也今夫天災流行

武鄉新志 卷之四 舊聞考

何國幾有氣數已定聖賢不違當其風掣電馳神亦若退處無權及時過而人不遺力而建之而一切時事無阻焉是人心轉移即天心悔禍而亦即神之所以為神也方今東南用兵捷書屢告松莊為邑南蔽安知神不默佑於千里之外於以掃除羣小滌盪穢腥使吾民樂頌國家固若金甌而災戾不作兵革無事則所庇者且大而遠而豈僅一鄉一邑云爾設夫臨難而懼儒者之心也災異謹書春秋之教也遂記以慰邑人而冀神之福庇焉

道光十年閏四月地震

趙昌業詩道光十年歲庚寅四月之閏廿二辰日光慘淡天無色氣候恍於深秋鄰傳午以後轉栗烈農夫負耒歸家門居人掩戶若瑟縮欲將熾炭重燭湯太陽忽匿怪風作聲挾雷霆搖

乾坤黑氣周旋咫尺間黃埃陡墜雙瞳昏擺簸羣峯盡起舞顛倒大木爭翻翻萬弩齊發屋瓦迸春冰亂碎垣墉崩有如崑陽軍既潰虎豹振恐亡精魂又如淮蔡兵乍人鵲鴨驚擾紛鳴喧坐臥起立儼木強瞠目愕顧誰語言須臾少止出門望但見瓦礫周羅藩可憐從弟急趨避反與禍會難逡巡叔也樓傾未離戶完然不損寧無神撫躬得免各自倖敢計毀折傷庭軒夜闌屢動勢未息相率野處同狼躑時帶眩覺跳踴大塊飄忽成輕塵安得章幕及纓帳用庇顛沛潛藏身旋傳陶穴情更苦往往覆壓連數人老翁俯首重歎息如此災異耳未聞我讀手詩至十月陵谷易處詳災速其時天下因絀虜上帝譴告非無因方今天子甚神聖胡為震動驚斯民堯年際水湯遇旱天道恍惚難具論但願閭閻各修省力戒浮薄皆還純天地好生終不忍自見高下奠位和氣長彌綸

十一年十二月大雪

趙昌業記云平地深逾數尺晴後道路僅通一綫兩旁若墜二人相遇欲為分避苦投足而沒脛焉攀龍鎮有房人收豕於黎城廿有餘隻至山間皆竄入雪坑無跡可尋僅脫身以歸里人謂之

雪洞途間倒斃羸驢不可勝計有行人入店近火而墮其指者吾鄉歲固多寒似此之大實所未見亦異事也

十四五年連歲大饑

魏守經詩序云道光甲午乙未間邑大饑貧民剝榆皮為食枌榆皆斃完府至丙申春並削樹皮俱薪爨用近村楊柳剝割殆盡又本年六月初一日夜大風雨境內樹被風雷摧折無算迨初秋

時木葉淒然黃隕者已就萎死魏子哀之作枯樹歌近村種楊柳春夏常青蔥向秋木葉瘦黃碧參玲瓏今歲婆娑生意盡
杈枝幹吟悲風我思故國多喬木繞郭濃陰晝簇簇陽木陰木取以時萌芽不使牛羊牧任秋秋殺代春生葉落歸根刺可復
林麓預儲梁棟材大庇千間作厦屋胡為庇焉縱尋斧弱值強妬人扶樹直以利刀割其膚譬之衣綻不可補初如剝蕉後束
筍對面盜賊恣撈取吁嗟愚民為飢驅願非有意相毒痛苦將木屑富薪炭迫恤區區榮者枯况復風雷同一劫摧殘尾段成
模糊安得良有司大聲為疾呼列樹先表道培植到粉榆田里桑麻計一一加匡扶樹木皆蕃庶十年計非迂使有菽粟如水
火而民焉有不仁乎

二十九年六月十一日夜漳河溢

范士熊詩云吾邑城臨漳河北依山疊石勢巖峭西關東郭地稍卑築隄障流如兩翼上列市廛與城齊數百年來無傾側道光己酉夏之夜漳河西下橫流急兩隄沒水水身高東西浪湧穿街人西堤廬舍棄一空居人逃奔城內圍城東河與溝連下流倒壅尤巨測入戶穿房與人爭出門仰望無家室此時夜雨傾倒盆水來共訝銀河溢我家城居南門裏與河逼迫同雷急疾不辨河聲與雨聲夢中驚起何裝笠冒雨屢次到門看水滿門中互嘯吸囊沙塞土不及防拔關直搗勢危逼波臣早已奪門去雖有千夫挽不得瀾瀾翻我欲攀梯溯上天天昏月黑雲濃墨漸及天明雨少止跌足步向城頭立澗澗湍洑浩無涯波擁山城成澤國十里平沙變為海環顧四山如島出官民齊集共虔禱神靈呵護全此邑午後水落河漸平徧處詢人盡欲泣吁嗟乎漳河之漲亦常耳似此災異從未識推詢其故蓋有由連雨十日岑流泊是夜雨暴水更大谷口又被漳河塞河水雨水相怒爭故爾浸淫無底極人言此城幾不保增隄築石額培植我道培基端在人各自修省補愆德君不聞黃霸當年固金隄思患預防何周密安得砥柱鎮中流千載安瀾無一失 魏守經詩云邑城建在河之滸我家相距三里許村前別有一小河青夾岸連蔬圃西年六月多霖霖預聽徹夜深深雨一夜雨聲雜河聲增吹簫結如鐘鼓猜疑小河暴發異常時枕上心驚未目睹天明看河出門前

武鄉新志 卷之四 舊聞考

十

漳河逼近小河邊漳河以南小河北無復田園連阡披猖濁浪連天震茫茫難問城中信遙聞巨砲響城頭官民祈禱爭性命越三四日水有涯岸傍高脊露泥沙村民泗水入城去歸來告語相嗟呀西關街市淤隄石東關溝水濁人家南門闔扇逐波去敵樓以上坐蝦蟇吁嗟漳濤無怒吼敬陳一言君聽否遠不通漕運近不溉田畝大不產魚鹽小不生菱藕美利古來無英害近時有望望當灘厚壅沙灣泓偏聚橋坡口 西關外向南建閣每冬月造橋從此直達胡為洪流衝擊河神廟廟在城角南岸地名橋坡口河落時此處蓄水甚深 水衝坍 無乃設臣職職守安得事宜能善後奠定城基長不朽不知誰是剗瀾手

咸豐二年正月紅雲滿天

二十一日 二月雨土

十七日 八月長星見西方

初七日 見十

餘日 乃滅

十一

月地微震

二十四日

十二月大雪有雷

二十四日

十一年正月雨土

初六日 雨

二月雷雨雹

初七日

五月彗星見

二十三日 夜有星孛於北斗貫

八

月日月合璧五星聯珠

初一日

同治五年夏鞞山鳴

前志載鞞山之名始於石勒以其嘗聞鞞聲故也學著建在山腰平時寂靜是年夏秋之際每夜漏四下有聲甚震擾人沈睡者詫給牛鐸之聲行齋雜莫辨 高聲始漸希學中人耳熟既久

光緒三四年大浸

丁丑夏旱五月十四日雨雹漳河南嶺頭至監漳三十二村尤甚夏麥盡傷後六月至八九十月不雨秋禾盡死所收者批被而已斗米錢六七百至一千四百不等人皆剝榆樹取殼草磨麪為食餓斃

者相枕藉戊寅夏六月又早秋九月淫雨十餘日禾粟盡批爛歲仍歉邑令吳匡隨時體察稟蒙欽差稽查山西賑務工部侍郎閻山西巡撫一等威毅伯曾奏奉諭旨賑恤往復公文甚多詳載續志茲不贅

詢之街市亦往往云然年餘後不復作

光緒十六年大地震人民驚恐屋宇傾圮者無數

光緒十七年五月大風時有數人合抱之樹為風力所拔起者人民有隨風而顛仆者屋瓦震搖倒毀壓伏者亦難以數計

光緒二十一年四月雨雹大如卵禾麥盡傷

光緒二十六年拳匪仇殺教民天主教徒房屋多被焚毀

邑進士李華炳有庚子拳禍始末記言之甚詳記曰嗚呼教育之關於國家豈淺鮮

誠以樞野愚陋之氓挾其積不能平之氣乘機焚殺以洩夙忿小則為地方之禍大則遺國家之戚推原其故非由未受教育知誼不開之故歟武鄉為山右僻邑風俗儉樸民氣馴良自光緒初年西教士設堂傳教駐城南二十里之上司村相庇同教千百詞訟狡黠者依為護符魚肉良儒日引月長蔓延城鄉鄉愚忿無所洩乘隙思逞而禍機兆矣庚子夏義和拳起畿輔延入山西以仇教為名有傳其術者謂焚香念咒則神附其體勇力倍增可避槍礮鄉民轉相告語私相傳習旬月之間所在蜂起時教士已遠避教民亦多逃匿習拳者招集烏合至上司村燬其堂搜殺教民邑令王公畏其威且饒之粟館之關帝廟於是拳勢益熾搜括焚殺無虛日有大刀會數十人自東來焚小麻角教堂將赴司村聞已毀駐陌哈勒素供給少不如意輒以鞭撻從事拳民間之責以不應毆大教人(被教謂不入教為大教)爭辯良久約稟官平其曲直道出鄉村隨而觀者絡繹不絕至城外有鄉民與大刀會口角鄉民以所持佃田之則大闖人聲鼎沸喊殺震天地我乘彼寡縛刀會十七人殺之官吏聞門扉首莫敢應於是拳勢乃益張而禍變成矣時城鄉雲擾拳民所至索鄉社供給有不應者輒刃以脅平民不堪其擾會聞趙家嶺教士尚在教民多往依之乃號召徒黨百數十人攻之趙家嶺教堂據險要築堡牆厚數尺教民持數土槍俗所謂過山鳥者穴牆發之一發擊數人擾攘數日不可破乃竄而歸聞聯軍入京翠華西幸於是紛紛若鳥獸散燎原之火遂消滅於

武鄉新志 卷之四 舊聞考

無何有之鄉矣乃辛丑夏而復有王安邦之事王安邦者襄之武生也有術力習妖術嘗以事被革拳亂既定民教來黨率其黨尋仇報復拳民悚懼王安邦於鄉南之佛爺頂倡言傳法能避鎗礮且誦有仇教之說於是附之者日衆教士聞之聞於官官遣役給王至撲之王素以拳勇聞官慮其報復且為教士所迫遂通稟上憲檄襄令捕之置之法是年秋和議成各州縣遭拳禍者皆有賠款武鄉釐金萬二千搜括甚病而教中之乘間報復者勒索賠償者其數亦不貲云又邑增生郝鏡堂有桐桂行古詩附錄於後詩云蓮月初旬旋桑梓沿途聞說義團起犯門斬關出童年有官折腰還問米此時南亭有三官(原任王代理曾委員李)賈取容易解紛難不知自己焉知彼震驚翦滅忘朝餐更有銅鑼續紹尾(沁州古名銅鞮時州官德)一見其且如蛇虺鞠躬送城之南大巫小巫判神鬼獨有沈官見理真(翰林沈思謙由襄垣署理平遙縣)海水不怕一車薪(用棺活釘圍首其禍遂熾)不謂挂官竟自去曲徒無恩焦爛實乘災倡亂具何腸拔幟立幟我武揚果能執戈衛社稷總死沙場可無殤緊何神咒誇離口緊何神技逞毒手紛營戰隊來數人老拳未奮皆却走紅巾抹額紅纏腰賣牛買劍憤買刀入室操戈自戕賊日月無光農器銷其子殺人父淬刃神威豈但震三晉田野子弟收猪奴收哮喘黃堂梅金印燕雀空有鴻鵠志狐狸徒供豺狼同鸞鳳所成枳棘叢蛟龍淵萃蝦蟇戲(兒戲之軍不能禦侮適足召亂遂致八國聯軍入寇京都失守)清涼宸翰滿山前神武泉流射虎川至今一讀一景仰永清聰知豐于天天下為家可西東回憶何由出深宮無厭戎狄固難厭安安酖毒我懷中京師實為天天本一動大事去不返(明土木之變于謙云云)于公杓見鑑千秋殷監何勞取諸遠長安兩字大書壁狂歌時將唾壺擊暮年未已壯年心小兒猶解遙為憶隣翁有子年十三因風縱火口誦誦自謂舞陽再世出正言不入迷途酣彈丸小邑真寒苦趕趕自來獨好武幾日相聚千餘人總緣久早不見雨茫茫天意孰聽視忽忽人心孰驅使神兵殺人曰神也官是凡人不敢理(某村團誤殺不入教之良民報官竟推以神兵不管)浣紗孕婦血流紅(茅莊河)

避途橫擊費榮備（高寒寺）暴及無辜等剝剝侗侗年少敢行兇噬彼入豕誰備始亦是吾民皆赤子舉家殘賊曾堪傷始聽其迷終致死人能悔過天不加後車怕覆轍前車胡適當時誤再誤今日差更差俗傳桐閨月再桂陰塵墮墮障晴霹妖孽不知起何人白日誰撥浮雲蔽一介寒儒動噴火札檄潛傳渾忘我稱兒泣諫犯狂鋒懼有飛禍測誠巨歷將察學湖淵弓治箕裘實有年死忠孝皆得所（郝氏宗譜載明季闖賊之亂先世盡節於忠孝者歷歷可數）竟自飛蛾撲烈焰北門鎖鑰尚爾爾主孽窮矜敢弄豸只宜閉戶讀殘編何暇出頭爭朝市滅身火自性中然恐懼門屏家訓傳（性火滅身祖訓也恐懼修省父教也書揭門牆言猶在耳）鴻輕泰重釋迂語伏櫪老驥尋撲緣（語出莊子）危行言遜亂離軌盜賊易死千金子用携琴鶴夜焚香告天省過而已矣

二十六七八三年連歲饑饉

二十六年夏荒旱八月初三日雨雹成災斗米錢七百文二十七年七月十八日大雨雹田禾樹葉摧殘幾盡兼有損毀屋瓦者二十八年八月初旬秀而不實竟被霜殺東鄉一帶迭遭兇荒民多啼飢粟貴物賤田地一畝價值四千元

宣統元年雨雹

五月十一日縣西東段村一帶天降冰雹大如鷄卵聚集最厚處約有尺許禾麥盡毀瓦屋為壞

宣統二年夏彗星見

三年辛亥六月六日雨雹閏六月六日復雨雹是秋日屆落時色赤如血

八月十九日革命起義武昌各省亦

次第光復未幾清帝退位中華民國成立矣

中華民國三年五月雨雪

五月初七日於縣東韓壁東田等村降雪三寸許

五年夏旱

武鄉新志 卷之四 舊聞考

十一

六年龍泓獻瑞

龍龍白龍洞前有龍泓一區丁巳冬冰裡凍有崇山秀峰瑤草琪花碗碟瓶罇宛然若真一時觀者如堵莫不歎為神奇次歲鄰近一帶年景甚豐始知冰呈異彩乃豐年之兆也

七年二月縣屬分水嶺一帶發生鼠疫

查此疫自二月二十一日發現至三月五日撲滅計十餘日間斃命者有二十三人之多亦可見其傳染之烈矣

九年大旱冬十一月地震

歲庚申荒旱成災夏麥歉收禾枯萎收成十分之二三糧價大漲十室九空幸賴知事傅寶儒心慮民瘼發給倉廩並邀集士紳設救荒會於縣署又紅十字會散財發粟民未轉

乎溝壑否則不堪其命矣十一月初七日戌時大地震邑增生范獻驥有地震行詩云民國九年戊子月月之七日星河沒隆隆然有聲自西來渾似雷霆初勃發（一解）目眩頭暈不知故四肢擺蕩人難步老幼偃僂床前沉香如墮五里霧（二解）金鐵遠近一齊鳴樓台板蕩勢欲傾眼目移時方駐歇事後追維驚更驚（三解）新學推原不為災（新學界人言地震為火山作用不為災異）習俗拘迷不必猜我言警人遇奇疾焉可任其時往來（四解）今日記載例編年造物警人無後先以俟他日採風者補入邑乘災祥篇（五解）

十三年旱荒成災

自春徂夏亢旱不雨時至小暑猶是赤地不得播種夏曆六月初六日雨始落透而谷豆已失播種時期所種者不過糜黍蕎麥而已乃大暑以後又復亢旱糜黍亦未得豐收以成歉歲云

夏六月雨雹

六月二十四日未時聞西北地雷聲隆隆忽而狂風大作陰雲如墜暴冰雹驟至大者如拳次如鷄卵或有三角狀片狀不一而足風借雹時雹借風威田禾摧折屋瓦被毀由縣西北陳村等處起經大小良村義門馬牧

型莊入榆社之魏城等村被災甚重

十四年春瘟疫

是年春間白喉症甚劇此症非常危險往往有醫治不及而殞命者

冬樊軍攻遼武民望風驚擾

是年冬十月樊軍攻遼縣吾邑差務紛繁當事者疲於奔命居民風鶴頻驚爭相逃匿嗣潰軍過境搶掠富室亦沿劫也邑拔貢馮高翔有記甚詳

十五年大饑

在夏亢旱播種失時秋八月淫雨連綿旱潦不均五穀歉收北漳楊桃灣一帶更遭水雹斗米千錢哀鴻嗷嗷知事呂紹巒念民艱請上峯蠲免田賦以紓民困蒙准按災輕重分別蠲免緩徵

十七年七月十八日夜漳河暴漲

九月一日即夏曆七月十八日縣西北及榆社屬大雨入夜漳水大漲奔騰澎湃聲勢驚人西關水從橋坡口入東關水從石橋瀾干上過民房幾為水漂沒

沿關河關曲與縣城東鄉一帶民家禾稼多屬被害相傳為道光己酉後第一次大河云

同治二年部頒文廟祀位圖

錄續志

正位

至聖先師孔子

配位

宋以前稱封爵元至順元年贈顏子衰國復聖公會子鄒國宗聖公子思子沂國述聖公孟子鄒國亞聖公明嘉靖九年改稱復聖顏子宗聖曾子述聖子思子亞聖孟子清因之

哲位

宋以前皆稱封爵明嘉靖九年改稱先賢某子清因之有子朱子升列哲位從一例

先儒位

宋以前從祀者皆稱封爵明嘉靖九年改稱先賢某子周張程邵五子嘉靖時稱先儒崇禎十五年改稱先賢位在七十子之下漢唐諸儒之上清俱稱先賢不稱子

先賢位

明嘉靖以前從祀者皆稱封爵嘉靖九年改稱先儒某子清稱先儒不稱子

講案武鄉

文廟神牌後各有座屏恭書事實贊語較他處為美備道光三十年署縣事劉端以

至聖四配十二哲座屏字皆雕刻公議鬆肅重新兩廡座屏黃色筆寫年久凋殘不能辨識於時搜羅經史旁及羣書缺者補之訛者正之諸生范士熊力居多知縣劉與孝廉魏守經為之參訂而事實復完有范氏家藏本可稽惟彼時未奉部文先賢先儒仍舊

武鄉新志

卷之四 舊聞考

十三

稱子異日重修宜謹遵更正

東 廡 三 十 一 位

先	儒	陸	隴	其
先	儒	孫	奇	達
先	儒	劉	宗	周
先	儒	呂		柟
先	儒	羅	欽	順
先	儒	胡	居	仁
先	儒	薛		瑄
先	儒	方	孝	孺
先	儒	陳		浩
先	儒	金	履	祥
先	儒	趙		復
先	儒	文	天	祥
先	儒	何		基
先	儒	真	德	秀
先	儒	陳		澗
先	儒	陸	九	淵
先	儒	張		斌
先	儒	李		綱
先	儒	羅	從	秀
先	儒	謝	良	佐
先	儒	司	馬	光
先	儒	歐	陽	修
先	儒	范	仲	淹
先	儒	陸		贇
先	儒	范		竇
先	儒	鄭	康	成
先	儒	后		蒼
先	儒	孔	安	國
先	儒	毛		亨
先	儒	伏		勝
先	儒	公	羊	高

兩 廡 先 儒 祀 位

先	儒	穀	梁	赤
先	儒	高	堂	生
先	儒	董	仲	舒
先	儒	毛		長
先	儒	杜	子	春
先	儒	諸	葛	亮
先	儒	王		通
先	儒	韓		愈
先	儒	胡		瑗
先	儒	韓		琦
先	儒	楊		時
先	儒	尹		焯
先	儒	胡	安	國
先	儒	李		侗
先	儒	呂	祖	謙
先	儒	黃		翰
先	儒	蔡		沈
先	儒	魏	了	翁
先	儒	王		相
先	儒	陸	秀	夫
先	儒	許		衡
先	儒	吳		澄
先	儒	許		謙
先	儒	曹		端
先	儒	陳	獻	章
先	儒	蔡		清
先	儒	王	守	仁
先	儒	呂		坤
先	儒	黃	道	周
先	儒	湯		斌

西 廡 三 十 位

武 鄉 縣 志 表

續增從祀先儒

袁燮

同治七年浙江巡撫馬新貽奏准位在西廡先儒呂祖謙之次

張履祥

同治九年浙江學政徐樹銘奏准位在東廡先儒孫奇逢之次

陸世儀

同治十三年江蘇巡撫張樹聲奏准位在西廡先儒黃道周之次

許慎

光緒元年國子司業汪鳴鑾奏准位在東廡先儒后蒼之次

漢河間獻王劉德

光緒二年河南學政費延釐奏准位在西廡先儒董仲舒之次

張伯行

光緒四年河南學政費延釐奏准位在東廡先儒陸隴其之次

武鄉新志

卷之四

舊聞考

十四

東配

東廡

先賢孔氏孟皮
先賢顏氏
先賢孔氏

先儒周氏
先儒程氏
先儒蔡氏

崇聖祠祀位

昌聖王伯夏公
裕聖王祈父公
肇聖王木金父公
詒聖王防叔公
啟聖王叔梁公

先賢曾氏
先賢孟孫氏

先儒張氏
先儒朱氏

西配

西廡

崇聖祠正位

肇聖王木金父公 孔父嘉子奔魯因家焉

裕聖王祈父公 木金父子或曰夷舉以孔為氏

貽聖王防叔公 祈父子

昌聖王伯夏公 防叔子

啓聖王叔梁公 伯夏子自微十至叔梁紇計十四代

清雍正元年詔封孔子先世王爵合祀五代
更名啓聖祠為崇聖祠

東配

先賢孔氏孟皮 孔子庶兄咸豐七年河南學政俞樾奏准配享

先賢顏氏 名無繇字路顏子回之父

先賢孔氏 名鯉字伯魚子思子伋之父

西配

先賢曾氏 名點字子皙曾子參之父

武鄉新志 卷之四 舊聞考

先賢孟孫氏 名激字公宜孟子軻之父

東廡

先儒周氏 名輔成字伯大先賢敦頤之父

先儒程氏 名珦字伯溫先賢顥頤之父

先儒蔡氏 名元定字季通先儒沈之父

西廡

先儒張氏 名迪先賢載之父

先儒朱氏 名松字喬年朱子熹之父

明嘉靖九年詔天下學校各建啓聖祠祀至聖父而以顏曾思孟父配之稱先賢又以程朱蔡子父從祀萬曆年增入周子父皆稱先儒某氏清雍正二年詔先儒張氏迪亦從祀

文廟樂章

迎神 咸平

大哉孔子 先覺先知 與天地參 萬世之師 祥徵麟紱 韻答金絲

日月既揭 乾坤清夷

初獻 寧平

予懷明德 玉振金聲 生民未有 展也大成 俎豆千古 春秋上丁

清酒既載 其香始升

亞獻 安平

式禮莫愆 升堂再獻 響協鼗鏞 誠孚嚶廟 肅肅雍雍 譽髦斯彥

禮陶樂淑 相觀而善

終獻 景平

自古在昔 先民有作 皮弁祭菜 於論思樂 惟天牖民 惟聖時若

彝倫攸叙 至今木鐸

徹饌 咸平

先師有言 祭則受福 四海饗宮 疇敢不肅 禮成告徹 毋疏毋瀆

樂所自生 中原有菽

送神 咸平

武鄉新志 卷之四 舊聞考

鳧繹峨峨 洙泗洋洋 景行行止 流澤無疆 聿昭祀事 祀事孔明

化我蒸民 育我膠庠

祭器

大成殿 黃布神幔壹設錫大香鑪壹大燭台二酒爵三大酒爵一大酒壺一陳設盤一木豆九大鐵絲紗籠籠二對大鐵高照一對大錫盤台一

東配 錫酒爵六中酒爵一香鑪二燭台四

西配 錫酒爵六中酒壺一香鑪二燭台四

東哲 錫酒爵三中酒爵一小酒壺一陳設盤一木豆九

西哲 錫酒爵三中酒爵一小酒壺一陳設盤一木豆九

東廡 錫中酒爵一小酒壺一陳設盤一木豆九酒爵三木方紗籠九

西廡 錫中酒爵一小酒壺一陳設盤一木豆九酒爵三木方紗籠九

崇聖殿 錫大香鑪一大燭台一大酒爵一大酒壺一陳設盤一木豆九酒爵五

名宦祠 錫小酒壺一小酒壺一陳設盤一木豆九酒爵借用

鄉賢祠 錫小酒爵一小酒壺一陳設盤一木豆九酒爵借用

忠孝祠

錫小酒壺一 小酒壺一 陳設盤一 木豆九 酒爵借用

省牲所

錫小酒壺一

奎光樓

錫小酒壺一 小酒壺一 陳設盤一 木豆九 酒爵借用

大成門

木方紗籠三對

武廟樂章

迎神 格平

懿鑠兮焜煌神威靈兮赫八方偉烈昭兮累禋祀事明兮永光達精誠兮黍稷馨香儼
如在兮洋洋

初獻 翊平

英風颯兮神格思紛紛綺蓋兮龍旂軒桂醕兮盈卮香始升兮明粢惟降鑒兮在茲流景
祚兮翊昌時

亞獻 恢平

觴再酌兮告虔舞千戚兮合宮懸歆苾芬兮潔蠲扇魏顯翼兮神功宣

武鄉新志

卷之四

舊聞考

十七

終獻 靖平

鬱鬯兮三申羅籩簋兮畢陳儀卒度兮肅明禋神降福兮宜民宜人

徹饌 彝平

物惟備兮咸有明德惟馨兮神其受告徹兮禮終罔咎佑我家邦兮孔厚

送神 康平

幢葆葳蕤兮神聿歸馭鳳軫兮驂虬駢降烟煜兮餘飶醴願回靈盼兮德洽明威

望燎 康平

焜蒿烈兮燎有輝神光遙燭兮祥雲霏祭受福兮茂典無違庶揚駿烈兮永莫置畿

文昌樂章

迎神 丕平

秉氣兮靈躔翊文運兮赫中天蜺旌兮戾止雕俎兮告虔迓神庥兮於萬斯年

初獻 傲平

神之來兮籩簋式陳神之格兮九筵式親極昭章兮靈貺致蠲潔兮明禋升香兮伊始

居歆兮佑我人民

亞獻 煥平

再酌兮瑤觴燦爛兮庭燎之光申虔禱兮神座儼陟降兮帝旁粢醴潔兮齋潔將綏景
運兮靈長

終獻 煜平

禮成三獻兮樂奏三終覃敷元化兮繫神功馨香達兮胙饗通歆明德兮昭察寅衷

徹饌 懿平

備物兮惟時告徹兮終禮儀神悅懌兮鑿在茲垂鴻佑兮累洽重熙

送神 蔚平

雲駟駕兮風旂招神之歸兮天路遙瞻翠葆兮企丹霄願回靈眷兮福我朝

望燎 蔚平

烟煜降兮元氣和神光燭兮梓潼之阿化成者定兮囊弓戢戈文治光兮受福則那

祭器

武鄉新志

卷之四

舊聞考

文昌位前

錫香罏一燭臺二香筒二酒爵三紅呢桌裙一設紅布神幔一設

奎光位前

錫香罏一燭臺二紅呢桌裙一設春秋官祭在南城樓

論曰積邑中百數十年之所聞事亦繁矣約之可括為災祥兵火禮器樂章數端夫災
祥之說春秋亦載然左氏好詳怪異昔儒病之蓋以其涉於誕謾惟茲所言者皆切於
民生之休戚非不經之說可擬也至若兵火之事國家治亂攸關社會安危所係詳加
採集不厭其煩也其他如禮器之數樂章之詞豈可湮沒不傳雖時政革新古禮寢失
正如告朔餼羊烏得以禮廢而並廢之哉

叢考

志之作恆分門別類而序列之其門與類之無屬者蓋爲叢考非必罔關典要以其涉於纖細也如傳之所偶見聽睹之所或及或一端之有徵或片語之足錄者是已他若文藝一門謹依新例刪除惟異地名流此邦碩學風流相尙撰咏至夥或關風教或關掌故苟悉聽其淪沒弗載寧非遺憾爰擇其足與縣志相發明者羅列篇末亦斯志之一大結束也作叢考

雜紀

紀皇考案始末邑人趙昌業有記曰武鄉皇考一案其事震駭天下然原其終始爲時不過浹旬其來也如雲垂海立其止也如雪化冰消自古史籍所載未有事關門戶悸魄驚魂猝然化爲烏有有若是之奇者昌業時方童穉長而訪輯其事仰見我朝之英明仁聖雖唐虞三代之君不能及也謹珥筆記之乾隆四十二年縣之東蘇峪村舉人李疇九範卒李氏昌業外家也其子生員掄元將於次年二月六日謀葬乞誌銘於遼州舉人王爾揚文內序疇九之父稱皇考祇此一句他無及焉首刻撰者姓名以先君

武鄉新志

卷之四

叢考

十九

屬猶子壻亦列名書丹時方就試禮闈而代爲執筆者諸生李中敏也比葬散訖亦無他議四月十二日掄元與從弟調元偶話於家塾之信成齋齋去舍里許午後忽有胥隸數人持牒入室立拘生員李掄元火速赴縣問其故不言請歸宅治裝亦不許倉皇催促簇擁馬上而去村隔縣七十里調元歸舍覓騎資夜尾之入城至則音耗嚴密掄元已入獄禁置不得見街頭皆竊竊耳語比問即不答投一熟識迺閉戶告白若尙不知耶因墓誌皇考字已奏達天廷矣問何以致此曰不知也傳聞學官及某所爲今事在不測尙自投羅網耶調元脫身獨歸語家人曰凡事用財賂慎勿動脫有不諱身家且不保何有於財如不至是則事涉欽案諸人必不敢妄爲因携資斧往供彙館始得陰察其詳先是廣文王廷詔素不嫌於李氏而諸生李風和與蘇峪李氏不同宗宿銜怨焉入學言及誌銘謂考字上擅用皇字干犯禁忌具牘首告王即仲文於縣縣令江廷泰不復審顧遞爾通詳各憲而事不可挽矣巡撫巴公延三因事出非常即時具奏飛檄下縣逮繫諸人解送省垣成獄掄元所爲首被擒獲旋分遣臬司李承鄴觀察某檢視各家查究實跡當是時羽檄交馳急於星火閭巷哄傳官兵且暮且至行將殄滅

一方蘇峪村鄰舍扶老攜幼急備餼糧逃竄入山谷其有老病不能行者或至累日不舉火李氏家童僕雇工皆遁親友探信者率潛踪夜往莫敢以晝沁州守喜崇福聞上憲親臨輕騎率騶從夜至洪水鎮去蘇峪二里許昏黑不能行叩戶假燈闖闖皆歛息莫應遇一人使呼鄉保踉蹌如不聞州守親批其頰其人鼠竄而去謹乃得達其村出封條嚴啟閉抄錄田產搜檢書籍設施未定而臬司已至內外審視一周即往墓所路不任肩輿騎而行歸語左右曰此特衣食纍足濡素之家耳何至是掄元之母安氏率幼孫遜匍匐哀懇臬司曰事已上聞無可爲力此中吉凶惟視汝家福命耳又曰我皇上至仁至明竊意可無他慮所以慰藉之者甚厚旋至業家略爲瞻視一茶而行縣令之逮事主於獄也訊知誌爲中敏手書而中敏授徒異縣未即獲繼而聞其回籍入城有匿之者乃晝閉四門嚴加搜緝中敏毅然以出曰死生命也逃匿豈能免乎因就逮觀察前至遼州拘撰者送於縣獄檢閱一過閭道先回諸犯皆齊集於縣於是自臬司以下州縣及巡捕官押監諸人解送起程鐵鎖銀鐐囚車就道持兵杖而防衛者凡數百人夜宿郵亭周環巡警者徹夜不得寢諸役皆辛苦勞頓又飲食不時率共恨首告

武鄉新志

卷之四

叢考

二十一

風和夜或拘之梁行三日至徐溝北門爲南北往來孔道衆方共息午肩俄傳 聖旨已到催排香案聽候宣讀諸人相視面色如上心以爲即此就刑矣忽跪聽差官朗誦詔曰皇考二字見於禮經屈原離騷及歐陽修瀧岡阡表亦用之在臣下禮宜恭謹但腐儒拘於用古並非叛逆此事儘可無庸辦理皆勿論讀畢謝 恩方知事歸烏有立開三木登時釋放時四月二十日也自起事至此凡九日奏章已再往復矣萬衆攢觀歡聲雷動拍手稱慶者固不獨事中也歸而歌舞演賽感謝 皇恩闔邑士庶登門往賀至閭巷不能容惟縣令學官終慚忤不遣一介後上惡其所行旋皆因他事罷黜是時先君春闈試畢靜候發榜寓中同伴出游見坊間有鸞邸抄者紛紛競賣蓋其事已宣揚都下戶說新聞矣因市一紙以示先君先君大驚曰事雖平靜但不知家中若何景象乃星夜遄歸至則纖毫無損如未嘗有事者然先君每與調元言及此事輒戲之曰我之福運固勝於子譬諸疾雷破柱子雖不避然受恐已多我則時方酣寢比覺而已天清日朗矣是我之所以獨幸者也調元貴州龍泉尉即余舅先君諱擴山東榮城令

趙旭元

字悟了鄭略人性仁孝家雖貧事親色養備至處舉時行方便稟賦慈悲不計聞達鄉里無不欽其高誼光緒丁丑大浸家人俱遭不祥旋一意謀道力訪名師到黎邑性空山求道一去歷數十年稍有領會則出山渡世常寓

於大有谷間號山曰中原凡有病者求方隨手折花積成與塵垢服之立愈每日耕作所得散給貧乏因之所求必應無不驗如是歷數十年拜訪為徒者不下數千施舍修橋補路出費不吝丁巳行年七旬有七當年四月間某因父病延請旭元謂子弟曰吾壽已盡速營寢處延至診視則謂某曰你父命今秋當休惟在吾後耳某聞言駭異既而果驗中庸謂至誠之道可以前知即悟了之謂歟

悟道

姓武名元年邑之段村人也幼有至性失怙恃後勤於耕讀家貧依叔以度日弱冠既授室忽自悟塵世名利如電光石火人生觀無非苦境弗依三寶不足以解脫之遂以善言勸其妻俾改適已則削髮於遼郡之龍察

寺法號為悟道潛心修養既有所得則本釋氏慈悲之旨人有問病者或一撫摩或施法米往往奇驗一錢不愛所至人多歡迎最奇異者凡事能預知相傳其叔於某日親往探視悟道即早知之遂詣寺外其叔在途情形均言之確鑿鑿若所日睹某年寺有強盜數人來劫悟道路出片語盜均懼服不敢動以正言責之喝令速去盜始能抱頭鼠竄數年六十六歲自言某月某日嘗聞寂遺嘯火毒屆期果然而送葬者達千人之多至今人猶嘖嘖稱羨云

火災誌異

縣西會同村近年屢遭火災其怪不可理推大約秋成以後非農柴草堆積無故起火延燒數處或一日數舉或數日一起不等在屋內者屋亦被焚在野外者僅燒柴草而已柴草之相離近者則延燒之以故村人有柴草

者往往分掛野外不敢連接堆積而回祿之災至今七年之久年復一年不復間斷未有如此延長如此怪異之事願以質諸世之有科學知識者

續志序目

武鄉縣續志序

邑令吳 匡

武鄉新志

卷之四 叢考

一一一

武處瘠區在晉為鄙而其山川奇特間產英豪石趙出而人稱傑昭澤封而人且神姑勿論已洎乎明季冠裳林立國初諸老接踵而起爭以德行文章相砥礪其時之處為碩士而出奏偉績者尤不乏人接籍而稽亦云盛矣今雖稍不逮前而扶輿清淑之氣鬱極必發培植而振興之安在古今人不相及耶光緒丙子余始到官適值連年大浸顆粒不登頓成堯世洪荒之象時廬周室雲漢之憂自慚薄福累及斯民仰蒙 大中丞曾公憫念通省奇災飛章入 告魯沛 恩施如救焚拯溺之弗遑無微不至有加無已於以消沴戾而召祥和嗟茲子遺何幸得此今歲民困少蘇旋奉 札諭籌及饑饉之餘百事廢弛亟宜續修邑乘以存舊章洵善後之要務也第以吏事繁猥淺見寡聞不克希縱曩哲因但就前志所訖凡八十餘年事蹟有可稽考者延訪耆舊纂輯成編體例悉準前規條欵略增新事余亦於公暇時參互商酌五閱月而歲事其中災賑一門案牘具在詳列無遺觸目警心知身家性命之保全必賴人事從此滄滌瘡痍復回元氣俾士食舊德農服先疇上有以紓 聖朝子惠之懷下有以副大憲撫綏之意拳拳此心何日敢忘則夫斯編也純疵參半貽諸大方知所不免而域於方隅迫於

時日姑爲守先待後之計無暇於文字講求此則可共諒者也至若明教化移風俗經正而民興必有能勝其任者語云如某禮樂以俟君子余竊有厚望焉

續修武鄉縣志敘

邑舉人籍文學

志與史相表裏而史皆採擇於志志固史之基也武鄉有志創始於前明萬曆入國朝來邑令台辰李公中含高公秀千白公並踵修之白公之修在乾隆庚戌迄今幾九十年其宜續而修之也久矣顧修之難也無其時則不可修無其人則不能修即幸有其時與人而或鋪張揚厲騁藻繪之虛詞無經濟之實用揆諸國計民生毫無補益則雖可修能修而亦不必汲汲於修丙子秋浙東書年吳侯來宰武甫下車革故鼎新百廢俱舉尤以振興文教爲己任無如丑寅兩年連遭大稜乳哺災黎家至戶省恆促促無暇晷維時 恩詔賑濟凡官府往復文移寫慘目傷心之狀出滴淚迸血之言其擘畫周詳纖微畢至洵有足爲後世法者又況此八九十年中疆域山川固無少變而戶口之盛衰物產之盈虛兵刑錢穀之紛煩錯雜與夫職官科名忠孝義烈各有其人皆一邑文獻所關烏可漫無紀載聽其湮沒而不傳哉今秋頗稱小稔民始有更生望爵

武鄉新志

卷之四

叢考

一一一

撫憲曾公擬修通志檄下各屬州縣纂輯志乘以備考

侯乃開局書院延廣文

鈕松齋師主其事並招集邑中紳士採訪舊聞收羅實蹟義例一本前人未取悉憑公論復不恥下問每一門成必走倅陽邑再三商確文遂亦與參末議焉刻將竣詣高白兩志俱有邑前輩敘載卷首因命亦倣爲之文迂疎寡學愧無以應第親逢盛事既幸數十年廢墜之緒一旦得觀厥成又可使後之覽者知有備無患未雨綢繆於以家給人足羣享樂利無疆之休也豈不懿歟爰不揣謏陋略記其緣起如此

武鄉縣續志尾言

邑教諭鈕增堯

武鄉縣志訖於乾隆五十五年越今八十餘載矣其間事蹟久將就湮老成既漸凋謝後輩習舉業驚名場又鮮暇晷以是閒嘗議修而因循不果光緒五年奉 曾大中丞部依前志爲續編體例素具而採輯尙匪難也長官吳大令捧檄來商鈕增堯曰古言三長作史邑乘非史比而實史之發源也今不必別具鑪錘偏隅僻壤文獻無多及時猶可蒐討隨類湊補集腋成裘或者亦可乎大令曰唯唯迺聘邑紳李孝廉諸君總纂分修而兼採訪又延英年工書者若而人左右之爲繕稿每一門具走倅太谷縣就正

邑孝廉籍廣文裁定旋付手民此續志之書所以日無幾而成頗速也恭考徐四庫全書目錄郡邑志以宋范成大吳郡志明康海武功志為得法而韓邦靖朝邑志尤推絕作其簡括不易幾也而詳核猶可企也竊計廿載以來官常民事守轍循塗一切由舊其僅有興作如補葺學宮教習樂章創建考舍勸募書院經費申報節孝重修祠宇諸事官所會商紳所經理近在目前如斯而已惟夫災賑一節為從來未有遭實我大中丞全副精神所寄謹於災祥門內特標四目案牘具在備列詳書使百世下刻骨銘肌感懷勿替盛德至善固民之所不能忘也其餘各門凡數十年流傳未墜者按次探入略足成編留遺蹟於既往衍餘緒於將來雖傷煩瑣所弗計也剗剗告竣綴言於尾聊以記其顛末書中有無乖舛踳駁聽諸方家之公論即請以是質之

卷一 敘文 重修姓氏 建置 城池 公署 學宮 祠廟

貢賦倉儲鹽法附 兵防 置郵舖司 風俗

卷二 災祥 騰黃 奏牘

卷三 災祥 憲示 縣稟

武鄉新志 卷之四 叢考

一三二

卷四 古蹟 職官 選舉制科 武科 進士舉人 武科封廕 人物 文苑 忠烈

孝義 隱逸 列女 藝文記詩

僑寓

唐 姜 緒 字保本天水郡人

元 魏成甫 河南歸德府虞城縣人

明 李 贊 直隸順德府邢臺縣人

清 程衍洙 江南徽州人

傅 山 太原人字青主以上五人均詳見舊志

仙釋

晉 王 質 本縣三交人

佛圖澄 本姓帛氏天竺人

唐 風雷將軍 姓焦失其名本縣司徒村人

明 海 貴 柏林寺僧本縣人

程嘉績

本縣人

清 閻和尙

段村淨業庵主僧姓閻法名福江字洪潤以上六人均詳見舊志

寺觀

離相寺

在縣東上郝村為武邑佛廟之最古者也創於東漢時唐宋明清屢加修葺今則廟貌傾圮不足以壯觀瞻矣寺在縣屬蟠龍村制見舊志

寧慶寺

在縣東溫庄創於清乾隆年間

清塵寺

在縣城西關考為太康令魏令望所建年久失修傾圮不堪民國十七年邑人范希雲等募貲修葺煥然聿新

崇興寺

在縣東石科徐家壩開明嘉靖十一年廢隆慶九年復立邑人李惟有記

興福寺

在縣東十五里迎庄溝村北創建於何代無稽民國十二年重修現今廟貌輝煌佛像莊嚴為邑東之新式寺院

龍泉寺

在縣東十里禮庄之東北順治十七年重修邑人趙希明有記可考

廣福寺

在縣西會同村岡上創自金世宗大定三年廟院內有古松一株頂平如蓋勢若蟠龍

福興寺

有二一在縣西一百里分水嶺村一在縣西一百二十里南關鎮

普照寺

在縣東三十五里上下型塘間

三法寺

在縣東下型塘西陌峪口

武鄉新志

卷之四 叢考

清泉寺

在縣東陌峪村南

佛堂寺

在縣東姚庄

隆慶寺

在縣西魏莊距城八里

遐福寺

在縣南三里許白家窰

崇佛寺

在縣西二十五里馬牧村原名石佛寺在村北逮明成化年移建改今名民國五年重修

佛興寺

在縣西二十里王路村原建無稽光緒三十一年重修

清涼寺

在縣西石壁北山之陽廟貌巍峨足壯觀瞻為一村之勝境

觀音寺

有三一在縣西西城村見舊志一在距城四十二里之義門村一在張村東南

金仙寺

在縣西山交村創無考清同治年間重修見舊志

健佛寺

在縣西高寨寺村距城五十里

永寧寺

在縣西岸北村

永興寺

有二一在縣西大梁村一在縣東廣志村

彌陀寺

有二一在縣西段村見舊志一在縣西五峪村

吉祥寺 在縣西陳村距城六十里創建之年月無考清光緒五年重修

永壽寺 在縣西樓則底村

洪濟院 在縣西東良候村距城六十里清光緒年重修

福源院 在縣西北良候原建年代無稽大定年改修院有碑石一方上書趙曾韓歐陽銜

觀音堂 有五一在縣南里許一在縣西關一在韓壁村一在松莊一在縣南村距城二十里院內有唐槐一株樹內復生桑一株俗名樹上樹樹粗計八圍有餘其巨可想矣

鷺峰庵 在縣西南關鎮之南距城一百二十里

淨塵庵 在縣西南關鎮西北邑人進士李春華有記詳金石考

藥師庵 在陽家瑞村距城二里

守靜庵 在縣西茶上村距城二十八里民國九年重院內有古松三株粗數圍高八九丈數百年前之古植物也

全道庵 在縣西神前村原建無稽有元代大德六年碑文另詳距城三十五里

昊天觀 在縣西下城村距城十二里內有元代古碑

太清觀 有二一在縣西關一在縣西故城鎮

聖泉寺 在縣東湯城山

武鄉新志 卷之四 叢考

天主堂 有六一在縣南一十里上司村創建於清光緒二十七年占地二十餘畝有房百餘楹一在小店村距城十五里一在縣東白家庄距城四十里創建於清光緒三十三年堂高六十五尺闊五十尺長六十尺有屋二十三間占地五畝一

在狼臥溝建於民國十三年高五丈長七丈闊四丈一在小莫丹距城七十里一在姚家庄距城二十里

方技

李紹邑 字 清太學生鄉飲介賓義門人幼失怙事母至孝酷愛讀岐軒書獨居小樓數年日不窺園盡得其秘能窮脉其欲驗其術之精否也無病而請診之邑曰足下之病雖未發見然日內忌沙水沙水則不治某雖漫應之而心未以為然也經數日疾忽發急遣人請治之邑問曰病者曾涉水否曰聞其涉水邑曰渠小聽吾言以致如此不能為力矣某病卒以不起相傳有甲婦病頗劇乙婦無病而相伴請邑診治之診畢謂甲婦曰汝病服藥一劑即可愈惟彼婦氣色慘沮恐致不測聞者悉置不為意不料甫數日甲婦病愈而乙婦竟以病歿其神於醫理多類此

魏思韓 字宋欽魏家畧人清諸生精醫理凡素問內經以及金匱玉函本草綱目等書皆瞭如指掌施治本諸古方而並出以新意劑而明之概應手奏奇效東皋李魏患時瘟醫者過用寒涼之劑幾致不起思韓投以附子理中湯數劑而愈王白堊李壬子冬月涉水兼食油膩致腹大如鼓醫以大黃下之病益劇思韓診其脉遲甚用前方加白蔻丁香等治之沈病立起陽家壩某婦患抽搐昏不知人思韓以附子理中湯加南星桂枝投之三四服病若失一方而略事變通各臻妙用生平運用之能諸如此類性復關心公益常約同志聯名上邑令魏鴻勛書革除公家就河南五約砍伐民樹之弊他若營修廟宇舉辦團練完葺書院修治道路罔不捐資贊助作古已數十年而鄉鄰之稱道弗衰非所謂盛德難忘者歟

藝文

重修淨雲庵碑記 進士陳舜裔撰附碑記文曰人性之無不善也苟有以觸其天機使誠發于中而奪于物則悅安而守固雖不必盡合于道而亦可以破人心之慳樂施之用而相與觀古道之留仲尼曰民可使由之不可使知之蓋深知闢民訓俗之方難與言精微中正之故而因其機而導之即庸愚不苦於爲善之無階如世之修廟祠神得無近似乎今夫人莫不各私其有往往父子兄弟簞食豆羹吝吝于色一旦割其財而分之于泥神木佛將毋慳甚乃毫無芥蒂樂爲資捨而竭力雖心之蒙實善之機也不然人孰不欲擁沃壤起臺榭居有連簷高閣之麗與夫土爰稼穡之富忽焉拱手以奉之神明若捧爵酒妻女無詬譎之語豈非慕義好善有以動之而然乎如必正其非闢其說將並驅爲鄙吝而一物莫捨是誨之私也絕其嚮善之萌也大味先王神道設教之旨也故與其禁之毋寧存之以廣其義是亦行古之道而醫世之微權寓焉矣吾鄉人多好善而邑東稱最有居士韓名士弟名狀者累世齋素好佛老喜施予造浮屠建梵刹所到成功而勿墜祖居鵝頭後寄耕韓家塢因以

武鄉新志

卷之四

藝文

一一六

起家嘗經天成若下見有古廟傾圮神像剝蝕遂惻焉心動移之韓家塢乞于叔祖葵陽君捨地以居因之建宇裝嚴凡瓦石土木金漆丹雘之費雖取助于四方而其父子兄弟樂蠲其財者居半焉寧其自圖福利而爲之抑其祖父來世有慕義好善之誠宜乎其悅安而守固也予過其地鄉人因丐予言以紀其事嗚呼余雖不佞佛誦道而未嘗不樂取於人以爲善故亦不暇考其神之出處與夫福澤之感應因樂廣其義以布之姑存其說而誌之蓋勸善也

武鄉縣監漳里會仙起本碑 進士陳嘉撰附碑記文曰昔老子言域中四大獨先其道者何也以道能生天地運日月變通四時化醇萬物無所不載最爲之大故首稱之也上此聖人知道之至大立之以爲教曰道教焉歷代以來達其理者在此則延年昇霞則列僊如彭錢鏗服餌以長生許旌陽積功以輕舉皆見於傳記豈虛言哉我大師賈公者法諱志韜是邑東賈里人也素慕虛玄有企及前人之志禮本縣朝陽洞段志眞爲引度師一日志眞北征謁見長春宮大宗師清和真人達彼命爲北京道錄志韜無所請益遂孤雲野鶴參同於四方者數載歲在丙戌始結庵於襄垣

縣之故縣里而居之閉戶讀書忘餐廢寢由是專鑽研儒道之書深通正理遠近聞其風者皆欽仰之至歲庚寅鄉中監漳里衆耆老直詣彼中請位當里之壠神廟師處之久常自念言神非道家之主安可久於此乎遂相其水北之故基其地勢後高前下背風向日三壠山朝其南五壠神護其北左則有禪宗之古寺右則有神鐘之聖跡前流一水自西澗而來潺湲之聲不離於耳派而分之浸灌民田帶通蔬圃其利溥哉道俗僉曰此天產宮觀之地不可失也於是師殫化其觀地於胡照趙林口口進而施得之其餘相連合用之地諸人亦施之地既完矣木既伐矣師遂將修蓋之事付弟賈志常主之師即日居環諸之山至塞其戶不出其庭守靜致虛於歲行三周爲限其師至門人之輩盈村主客之家不待催促而日逐之功程愈謹連年之間殿宇多而成者其嚴飾則未也及飾之出園也覩諸位之荒涼愧瞻依之無所其塑像則顏色之楹桶則甘藷之聖位之闕者補之寮居之壞葺之者廼聖廼賢曰堂曰宇不移不陋煥乎一新時到其間者瞻之仰之美不讚師功成登僊之後有曰其嗣人知觀溫公備禮而來求碑文於余余辭以不能至於再至於三而請不得免而

武鄉新志

卷之四 藝文

一一七

書之其銘大蒙古國至元三年歲在丙寅三日吉立曰地勢迎陽枕乎北崗殿宇雄壯聖賢列張豁達牕戶分明塑粧有閣冬暖有齋夏涼居者快樂過客讚揚前人成就後嗣承當有始有卒無怠無荒繩繩繼繼百世流芳

四大家文選序

陳維崧 其年

崑山歸先生熙甫歸德侯先生朝宗南昌王先生于一武鄉程先生崑崙集若干卷選文共若干篇集既成維崧伏而歎曰甚矣作者之難也蓋百餘年能文章者不下數十百家而可傳獨此數人甚矣作者之難也崑山生嘉隆間一時士大夫務爲訕訕委靡諸陋習幾度古學不道即有一二巨公高材博學以文辭相雄霸要其離合究未知於古人何如崑山獨以聲希味淡之文一唱三歎使讀者低徊掩抑而不能自己當其爲之於舉世不爲之時世亦頗有訾訾先生者而先生毅然爲之不顧及其爲之既成世亦稍稍知有先生而先生是時則既已老矣是可歎也歸德南昌皆少負異才又世家貴公子熟習掌故沉酣恣肆大放厥詞歸德歿時年止三十七南昌稍踰中壽亦窮愁坎壈不得志客死則兩先生未盡其才之所爲可惜也已武鄉少與臨川陳際泰東鄉

艾南英常熟楊彝齊名作爲詩古文幽深雄厚地負海涵與古人爲犄角然僅以別駕潤州稍遷貳皖城二千石其於文之遇合何如也數人者其時不同地不同生平仕宦與否亦大不同即其爲文章崑山以柔淡勝得之歐歸德以灑博勝得之大蘇南昌以峭健勝得之老蘇武鄉則以險絕勝得之柳亦微有不同者至其文以載道則無不同也故曰文章可傳則同後之人流連於經史之源淵反覆於唐宋八大家之正變慨然於百十年以來而有此數人則此數人者時世之先後亦可以不計已夫韓之與柳其名位不甚相遠也歐蘇曾王之與韓柳時異也而並傳南豐大小蘇之與歐陽師弟也異也何不可並傳韓柳歐蘇曾王而並傳則如韓如柳如歐如蘇如曾如王者何獨不可並傳也耶

魏一峯古文雜集敘

价休范 棣

棣不敏十年日津門返竊從一峯先生游從兄榕逮長一齒同執經狎伍嬉戲言面之從多而傾心之受少先生間與諸同人上下古今縱橫貫穿方何隙竊嗜諸傳奇溺志淫心廢棄正業於先生之津涯畔岸茫乎浩乎慨乎其未有測識也年十五入郡庠先

武鄉新志 卷之四 藝文

一一八

生適有河東之役踰歲以憂免再延受學僅三載始覺悟少悛前非方漸次肆力古大家而先生以堂上春秋高決意歸養攀留不獲自愧童時罔知取法既又不獲侍先生卒業雖復悔之何嗟及矣先生謂吾於帖括一道生平心力嘗瘁於是自許差有微長詩古文辭寔未窺昔人籬下然側聞先生膺選拔方踰弱冠學使者勵衣園亟稱試策爲山右第一鄉會試受知車望亭黃素堂皆喜出其門雖荐不果售而推崇特甚謂古作與時藝是抗行不相上下鴻博之選孫文定公特以先生荐尤擊節長篇文直追唐宋作者先生在矣先生館余家時以文求者無虛日脫藁後輒不自收拾棣等亦任聽散軼今在余篋中者千百十一耳溫江旋里服闋需次偶携吳門樂誦不釋思欲公諸同好他日尙將請命先生廣搜彙補輯成大觀此特其吉光片羽以志棣雖不能至心竊嚮往之云爾

却孫都憲公薦博學鴻詞書

邑人魏 倫

倫書頓首大人閣下伏承明問雅意推荐聞命悚惶疚心在抱倫自選拔赴都引見後

入監考到適閣下正蒞大司成整頓六堂嚴立規範嘉倫試策面留肄業時以赴省赴都負債甚夥恐老父被索倚閭不獲如命不得同一時諸名宿以此時共砥北雍厚培學植憾矣壬子幸厠賢書公車上不謁長安一貴人雖以閣下雅相器重亦未嘗通一刺道一款非敢自高稔閣下於倫以文相知不以聲勢相要也乃者同年馮太史來招謂閣下將以博學鴻詞荐伏思 朝廷此選破非常之格以待非常之人必如古者屈宗賈董左潘二陸兩司馬牧乘劉向之徒充棟汗牛靡不周覽奇辭奧義靡不通曉然後盤鬱輪困根之茂者其寔遂膏之沃者其光華鳴聲和盛鼓吹休明毅然當之不愧若夫三試報罷雖以汗瀾卓蹕瀟沔澄深起衰八代之手或且難之自餘錄錄已無足比窮鄉晚進之士孤陋寡聞尤其每况愈下不待審處而決者也詎閣下辱愛方殷而太史再來掖與俱往閣下立進崇階謂生來何暮生於長篇文直追唐宋所謂不待相見相信已熟者惟聲韻之學北人或非所長然以生之材何所不諳因飭取二場表判各一草旋起舞曰端莊雜流利絕似長公諸小啟即此可矣倫亦不敢多置辨仍偕太史退乃展轉以思終日終夜喟然感念閣下惓惓意良厚不宜重辜而抑亦所以自處

武鄉新志

卷之四

藝文

一一九

者尤不可不審也國家需材之患莫大乎上以寔求而下以名應今將聚天下績學搗詞之士特開鴻博之科度其概然起而相應者凡自唐虞以來經傳之傳留史氏之紀載諸子百家之論列莫不披尋乎義繇反復乎訓詞鏗鏘乎節族而奮發乎文章珠璣錯落雲霞蒸蔚大叩大鳴小叩小鳴所謂寔也而今之于焉曳其瓊幾焉纓其冠曾未讀書數篋而偶得一當輒欲假手以報者則其名也不勝寔而名是狗聲援有人根柢無人不至辱朝廷而羞當世之不止嗚乎其亦不思而已矣倘思天地蓄孕如彼其富古今之遞積如彼其多名山石室之藏如彼其不勝收扛鼎吞牛之筆如彼其不易舉而試以身與其間問所讀古人書幾許所發憤蔚然爲文章幾許學之不講何有於博詞之不出何有於鴻姑循名以責其寔其不汗下通身欲發聲而不知口處者寡矣倫之不敢輕諾者誠心識其然自知明而審處熟是故不以自負者負閣下也閣下又謂今四方之獻身者從旁揄揚者曷勝指屈吾先欲敬求桑梓中三晉人文之藪何遽無人而人之知名者寔亦不乏也沁有吳正則古今淹博經術湛深黎有高獻則學湧泉淵聲諧金石雖倫耳目之近見聞之狹而心焉可數猶有一二人焉况閣下以汲

引之深心廣物見之賢路雁門以南太行以北賢人君子雖伏匿而不輕出而如吳如高由此其選者又不知其幾輩也故願閣下之公之也倫叔暴病老父書趣歸他日倘增讀十年書窮遐極博積氣養厚果能一日憤發其所爲天下確今朝廷不次用人然後得所審處以其所學黼黻盛明雖不必出閣下之荐剡而因此愧勵得以反求其寔不徒然以名應國家非常之選則亦閣下教也閣下力也行已有日涓吉手書乃付太史冀轉致之閣下惟閣下恕其愚戇不以爲不可化誨而麾斥之幸甚幸甚倫惶恐再拜

修道君廟募緣引

魏倫

武城西偏多廟祀其畔北之連樞者三左關帝右城隍而道祖老君祠式憑其中積年傾圯道會張一華將謀所以修葺之者問言於余募諸士庶余惟祀典凡有功於民者例應舉問核君巔末周景王二十三年宣聖與敬叔適周問禮於君而志君之生或云商小辛時或云周定王時或云高宗二十四祀二月十五日寔君誕辰自商迄周多者八百年少亦不下七百五十年餘其言至荒誕不足深信獨定王相距七十二年猶爲

武鄉新志 卷之四 藝文

三十一

近之緇衣黃冠者輒奉爲不祧之宗傳會其說指稱教祖明道有言佛老之害甚於楊墨害既甚矣又何祀焉然猶龍之嘆宣聖寔心許之而晦翁亦謂時君爲柱下史宣聖之間非問所謂虛無杳冥昏默之道者意其所謂害殆亦流極使然而非立教之本意遂至此也今觀道德餘論若虛若愚之指殆強半焉此其爲功不於儒者之息事寧人庶有近乎抑子輿氏之言曰逃墨必歸於楊逃楊必歸於儒而後儒謂道近楊釋近墨或遵斯教者殆猶近裏者已之意也一華往矣修廢舉墜勤也不忘所守崇本也其必有人爲神君之默佑其衷而共襄斯舉者願勉旃無後難

擬翰林院落成表

魏倫

伏以皇仁浥露木天臨翠蓋之華霽濛摛雲棘院煥鸞旂之彩綵毫拂而龍騰虎臥上引星辰玉版揮而鬣振鯨鏗高懸日月鸞侶之華筆並集龍門之藻耀欲翔翰苑榮生儒林喜溢竊惟瑞啓同文大地原江河並麗泰交合德普天白雷電交輝昔成在成周官先內史亦越漢代選重靈臺至唐始有翰林之名迄宋尤尙清華之彥身得者榮逾衣錦遙望者邈若登仙封酒賜近臣醉僊桃之春色撤蓮送學士映弱柳於長堤槐樹

庭前御杖廻而錦袍已覆海棠枝裡宸章錫而寶額長懸鈴索丁冬院外中官召試畫
欄掩映樓頭仙女評詩蓋蒼萃圖書中秘實文章之府追隨禁禦仰瞻即尺五之天若
夫桂子飄秋桃花潤雨漏催五夜未叨青瑣之陪燭盡三條先奪龍舟之錦工予懷之
杼柚花樣生新繡巧手於鴛鴦金針細度盈簷露下盡擬黃榜標名伏案星寒爭望朱
衣點首惟多士馳名之藪寔羣材瘁力之場然而縹緲瀛洲徒羨浮槎隔岸吟哦矮屋
誰憐挑盡寒燈即揆藻賜龍池率自詞臣捧出或封題頒試院多從天使傳來未有接
蓬海之仙舟擁雨雨露風雲而作句幸冰壺之清苑編菁莪棧樸以生春如今日者也
茲蓋伏遇皇帝陛下聖由天縱德乃日新玉殿晨修抽甲乙丙丁之部松軒夜驚啟春
秋冬夏之書固已蒐問無遺恢石渠而增虎觀非葑並探廣鹿野以和鶴鳴矣猶以詞
垣素稱清秩特頒異命俾予鼎新屬廣廈之初成展勾陳而夙駕池光映彩辰垣馳天
駟之星藂火騰輝營室值文昌之宿龍墀送暖移步西青鸞序迎和開顏東觀虞絃播
而卿雲奏徵角同諧堯樽傾而湛露融笙簧比德行行玉笋列侍堦前字字珠璣頻來
天上摛詞寵賜拈韻燕國篇染翰聯吟製格仿西京之體譜元音於玉簡組織天成發

武鄉新志

卷之四

藝文

三二一

逸響於素毫縹緲日麗撥皆從律真同庶拜之休和必依歌共奏太平之頌俄焉載飛
六御共率千官既舉宴禮之崇榮生玉署旋乘鸞輿之肅呼動棘闥射斗分光俯東西
之環列羅星錯址盼籤軸之鱗編辛苦風簷悉歸霄鑿深嚴鎖院共接天顏遂來飛白
之書錫之匾對兼染上方之翰播在殿詩懸畫閣而御筆淋漓拂雲箋而宸章爛熳賢
稱爲國非道藝不入鼓吹堂號至公必真材始堪黼黻垂諸金石珍同赤字綠文被之
絃誦韻叶金聲玉振增堂皇之蒨蔚炳棟之歲製與讌者飽德鳥趨恍遊園風之苑
觀光者吹鼓魚浪盡嘯桃李之蹊允矣奇逢唐哉盛事臣等七步何能八又未就愧抽
豪逸韻有玷詞壇慕入穀奇珍不遺鐵網花磚測景幸沾太液之波玉尺持衡敢負冰
清之鑿伏願禹文敷命堯字傳心作誥垂莫駕兩漢三唐而上歌風肆雅追四始六義
之先發萬丈之光芒不數李杜闡一畫之秘奧直接羲文則從典冊以溯淵源奕之人
文丕振大顯承而昭模範萬年之有道彌昌矣

文昌閣重修記

王先疇

縣治之移於南亭川也自後魏始其地北枕崑山南阻漳水維時建縣治於山巔建學

宮於山麓有明嘉靖間始兩易其址如今所而文昌一閣實踞山腹而扼其中建廟三楹南祀文昌北祀魁星下穿洞口以通學宮顏曰龍門登閣憑眺則萬家之烟水四山之風雨兩岸之田疇俱可玩諸几席其東南一峯林莽蒼翠尤覺秀色可餐漳水蜿蜒自東而西晴則一綫澄波天光蕩影陰則烟雨迷離萬象恍惚但聞園丁牧豎往來招呼於沙汀岸芷間如展龍眠畫淡而不厭又如登太華峯思呼閶闔而誦佳句回瞰山頂喬松盤拏雲表直欲化龍飛去高高下下景隨時易實城中之巨觀也其創始年月迄無碑碣國朝康熙九年邑令吳公月英嫌展拜地狹拓築其址而增高焉添設享亭三間閣前數武建坊曰文明其旁有軒其南有樓今樓與軒皆廢惟閣及坊仍舊制吳公者後易名齊漳云自是誰有修葺率依成憲如斯者二百年矣客冬方侯郭侯相繼來宰二公咸精形家言慨文運之不與謂地方少通顯實亦是閣峻極當上遊而壓勝也議撤文明坊下閣半基而聿新之謀之邑紳咸曰諾於是以次年某月興工某月告成是役也自洞以上減於舊礎者不及一丈縱橫如舊閣左女牆下與之齊上棟旁宇維新是圖丹堊藻繪倍益壯麗經費皆取給於建考棚所貲羨約數百緡有奇工既訖

武鄉新志

卷之四

藝文

二二一

乃徵言於疇謀勒石以紀其事余維武邑僻處萬山中地瘠風儉商賈不通士之抱鉛槧勤簡蠶者恒博一第維艱甚且窮年矻矻終其身不得列名鄉校蓋平時不獲名師宿儒之指授富路又少推襟送抱之雅素而武人士亦稍自矜持不甘爲風氣之遷就即有一二超雋之才得遂其志而官途鮮捷徑自愛自重亦復抑鬱困頓無所憑藉不得已而僅爲衣食計糊口四方比比然也庸夫俗子見其如此羣相非笑以爲是詩書誤乃身而暴棄者又時時指爲口實嗚乎此士風所以日下而人文鮮丕振耳豈眞天斲其施而地不効靈哉伏考前明及國初時科第蟬聯文章功業彪炳相繼邇來朝無顯位學少通方豈昔之人皆應貴相而今之人獨厄祿命耶抑亦人傑地靈任有志者自爲而非取兆於山川宮室之改移耶若陰陽風水之說古人亦嘗言之而有信有不信漢曹完閔摺紳之途不濟開南寺門承望華嶽卒使李儒等獲人爵之榮然趙興每入官舍移改穿築故犯禁忌而爵祿益豐善乎孟嘗君曰文受命於天不受命於戶王潛夫論曰同一宮也成王居之興幽厲居之衰其上如是其下可知第任教化之責者雖有獎勵振率之盛意必不能取備而代爲之庖不過曰如此則興如彼則衰爲都彼

人求其攸往無不利之舉而聽吾人自切黽勉相觀益善以儲異日楨幹干城之選是則有司者之事焉耳而如日本根在是勿事是焉又豈諸公今日之所望哉

南亭詩鈔序

程林宗

南亭武鄉古名也唐宋以來文人不少概見書闕有間焉金元之際詩人邢安國見於元遺山之中州集全詩亦不傳前明未造大老特起此地方有記載維時詩古文並盛若竇給諫之見於張芹傳若魏總督暨先尚書魏巡撫魏太康並見明史列傳國朝諸前輩繼之麟麟炳炳先崑崙之見於魏石生兼濟堂集陳其年四家文選王漁洋蠶尾集西樵渠趙乾符之見於漁洋詩話魏龍媒之見於朱太史外編文名廣播邑小而斯文遠勝於他邑於戲何其盛也自康熙後三十年杜郎中以八股號召後學嗣後諸孝廉守其業狎主齊盟雍正乾隆時科第蟬聯制義而外無他及焉士生其間求如明末詩古文並傳久不聞也嘉慶中雲南王樂山先生來宰縣攻藝之暇詩古文兼之而且大聲疾呼爲通儒著作家昂然後吾邑之肄業藝苑者頗知古近體詩焉爾來文雅彬彬不懈而及於古此物此志也夫范子桓一專用力於聲詩於元明國朝諸詩人網羅

武鄉新志

卷之四 藝文

二二二

不倦共得詩若干篇手錄成編命之曰南亭詩鈔而徵序於余將捐貲以付剞劂而吾輩與范子之詩得附諸卷末披覽之餘嘉其表彰桑梓而小邑之斯文得藉以傳其激勵後人正無已也故爲歷溯斯文之興廢以爲邑人勸至鈔內之詩之工拙任有目者評之又何待余言

史記文津序

程林宗

童時受毛詩尚書抽案頭書竊窺之不能句讀輒愛太史公曰四字尙未知爲史記也長而讀其書盡其卷數而義蘊則宏博難明涉獵羣冊終以爲不及此書私心竊計何時得謝八股業專肄於此以畢平生之願頻年不得志於名場乃反覆是編久之似有一得不自知其是與否也及涉筆爲文心與手應視向之埋首八股中迥不侔矣然後知古書之益人神智而窮年矻矻篤好之情出於天性非迫於名利而然也今老矣向所披閱盡付流水獨此耿耿予懷爰命子弟抄而存之俾之藏諸家塾便於誦讀已耳全書俱在聰明子弟他日或可望其包括而此心耿耿要已有託也凡所抄錄略輯其篇兼卽其段詳加評點冀豁心目總若干題號曰史記文津非敢謂已獲其義第論其

文而已亦非謂遽得其文庶以爲文津云爾

路記

前人

王家壩去縣數里而前後坡居其半焉其路當南北之衝數十邨入城胥由是坡爲陟降蓋疲瘁也寔孔道爾每當陰雨連綿磽澗浸滑上者拮据下者目眩若夫層冰積雪馬擁藍關人嗟履薄更不勝其苦其應官輸租與城市粟器相易任載者負戴者推挽歲不下數千石奔走歲不下數萬役至於婦女往來駿馬銜轂疲驢戀棧又不問夫寒暑焉其當修而慨於罔修也自古在昔矣道光己亥都人士亢材興役城邨協力實屬創舉前坡兼及坡下之溝渠後坡並及棘樹嶺之北坡無不土石相揉舂錘並施叫者削之窪者築之畏泥則嵌石望峻則鑿險迤邐而逼仄者拓之使寬奧衍而曲盤者刷之使直流可注泉沙亦齊岸人力巧而天工錯越今年告成昔懷陂陀今如坦途矣工竣勒石請記於余以如砥詠於詩蕩乎著於書司空以時平治道路見於傳矧鑿山開道自昔爲昭茲役雖小要亦領在冬官者爰感都人士銜填之忱與創造之績不可不特紀焉所有督工捐資列於左

武鄉新志

卷之四 藝文

三四

公舉孝廉方正呈詞

陳默

竊惟令德孚於閭里凡生值其時者胥知翕爾而交推碩望重於鄉邦凡居鄰其側者靡不肅然而起敬蓋輿論出諸衆口非附和而隨聲由直道自有公心豈比私而阿黨此在上所以有旌別之權而在下所以有闡揚之願也伏見本縣附生范士熊幼勤學業長列膠庠夙守楷模重規疊矩動安禮法尺步繩趨早離嚴父風木之痛時深旣樂賢兄棣萼之懷彌篤生則怡怡保愛衣惟恐薄食惟恐飢歿則絮哀歌意皆成詩句皆成淚惟能孝而致爲克恭斯善推而施於有政居家大概具見於茲型世善端曷勝悉舉事非我屬纖悉無言物非已貲絲毫不取族人之貧窘者必爲詢以緩急調其困窮鄰里有忿爭者恒相諭以樸誠開其鄙讎無訾議流俗之失無干求官長之私助修美富宮牆經營妥協倡建節烈祠宇延訪殷勤時而城市溷迹暇則山水娛情偶探勝蹟文人把臂以相邀哈值良辰勝友傾心而共待履齒所到鉛槧頻操吟哦其結習每搜羅著作以彙刊音韻其素嫻常接引朋儕而聯社斯盡詩書之澤罔非道德之華信乎士君子之身爲坊爲表允矣鄉先生之範可法何傳

某等

居叻桑梓之近感懷者無間

睽違詎忝瓜葛之親傾慕者非伊朝夕謹呈

武邑東田鎮重修諸神祠募緣引

李華炳

蓋聞神威顯赫千秋蒙庇佑之恩廟貌巍峨百代肅明禋之祀祀事孔明有舉莫廢靈光遠照隨感皆通而况禦患捍災允爲一方之保障春祈秋報宜享萬代之馨香者乎武邑東田鎮有廟一區後爲正殿祀三官之神中設饗亭肅四時之祭晨鐘暮鼓樓並列於東西舞榭迴廊院更分乎內外樓靈百尺樓頭觀音布慈雲法雨去廟十餘武外元武肅寶劍星旗以及土地祠高臨於池上聖母殿遠峙於峯頭散布焉蓋有四五處統計之不下百餘楹幾經修補具載碑銘人以時而代遷物以遠而日敝風雨飄搖惟有毳毼棲棟日星穿漏但見榛棘含烟不加葺修何以妥佑茲者合鎮慕義立志圖新計田起粟按畝捐貲富者歡欣而赴義貧者踴躍而急公故以歛錢供社鑄金爲龍矣第工程甚鉅耗費不貲黃河九曲諒難止以寸膠大厦千間豈易支於一木伏望達官長者義士善男多多益善不辭將伯之呼源源而來共拜仁人之賜果布金於大地點鉄不辭庶造塔於諸天台尖有日當仁不讓諸公忍袖手以觀有志未成列聖亦倚門

武鄉新志

卷之四

藝文

二二五

而望

東西井溝修井記

李華炳

易序卦云井道不可不革故受之以革井之四爻象曰井甃无咎修井也然則井之有待於革而甃修之也伊古爲昭矣東西堡之南俗名東西井溝有井十餘蓋余先人與東堡共製者載之家乘歲久多湮沒今存者六七惟西井溝之大南井澁水井水較旺而大南井水尤甘內甃以木間十數歲輒修焉壬寅夏天時亢旱鄰村之汲於茲者馬運肩挑晝夜無閒適甃木朽壤謀所以修之者余與史君經畬倡議謂木石估相若而木不如石之堅澁水井舊用石數百年滌而不甃其明徵也且近處有石取攜甚便盍易以爲一勞永逸之計同事者避之乃募諸鄰村得錢若干於孟秋經始匝月而竣東井溝之井並補葺焉既歲事乃謀勒而屬記於余余維井以利物濟人故繫辭謂爲德之地矧地處山麓掘難及泉偶逢歲旱十數村人咸抑井於是廢而不修棄甃於敝漏固乖利濟之德修而屢擲金於虛牝亦非所以爲德之地也是舉也事止於修而易木以石則義有取於革雖未敢云井道之大成而功期經久汲可用而養不窮庶亦利濟

之一端而無愧爲德之地歟若夫勞民勸工使一方並受王明之福余竊有志焉而未逮也願以俟諸君子

邑優行增生桐卿李先生傳

李華炳

炳自束髮受書得力於祖訓庭訓之曰爲多入泮後始就外傳於邑中得兩師焉一爲廷右史先生一爲桐卿李先生史先生以名孝廉官學博位雖不稱其德然猶獲掇科第列搢紳李先生則通材碩學與史先生同爲士林所推重而屢試不售青衫終困以一老諸生課徒於鄉僻間者數十年口講手削唇焦筆秃至於老終然後已論者謂兩先生皆未盡才學而李先生之遇尤爲不偶云

續增李氏族譜跋

李秀良

余生三十有七年矣慚愧生平事親道缺追遠情疎葛藟猶在疇庇本根桑梓徒存疇敦毛裏有祖考而不知敬有宗族而不知睦隻身負笈半世授徒舍閭里之近日蹉跎於太原郡屬間迴憶道光庚子歲先大人宗譜之輯殆茫茫乎若未聞亦渺渺乎莫能考矣乙丑夏五月株守書齋困頓無聊感懷彌切因與族弟秀庠語及此事囑伊將舊

武鄉新志

卷之四

藝文

三六

譜覓來一觀展開之下見其上載本支系屬甚詳右列圖半頁綿綿者其不絕也左叙功名事蹟數行彬彬者其相繼也自明迄今近五百年由祖暨孫垂二十世水也而必有源木也而必有本蓋觀是譜而敬祖考睦宗族之意遂不覺油然而生也爰于誦讀之暇重贍一帙以繼先志並續增庚子以後若而人閱半月而譜成嗚呼肆乃筵授乃几羣思一本之親具且孺翁且湛共篤五倫之誼後世子孫觀斯譜者有同此悽愴怵惕者乎余雖不敏猶殷殷望之

天足啓

馮瀚清

竊聞細腰好於楚王宮人多餓纏足始於唐主後世效尤裙露雙鈎共說凌波之稍鞋成三寸爭誇新月之痕豈知一體未舒遂使畢生受累勤勞不耐對井臼而生悲步履維艱望道途而色沮未作虧心之事似罹刖足之災觀此情形實堪悲憫况又裹足未盡如法妍求反以增蠅致使夫婿生增身姑不悅而女子短見遂有因之而輕生者矣近日各省已示嚴懲鄙人聞之不勝欣慕爲此敬告同志共展慈悲安立章程力爲化導已纏者姑仍舊貫未纏者毋啟新機遂使漳濱諸女一生既能壯健生子亦易長成

吾知淑女銜恩佳人戴德不獨綠窗添線爭繡平原亦且寶鼎焚香共呼活佛矣

釋迷啓

前 人

聞之摩頂拔毛子與氏辨不得已出奴入主昌黎伯感而成文近有小醜猖狂無知妄作本爲市井之無賴佯悲道學之失傳清靜寂滅善飾說以欺人天地君親故設位以動衆一倡百和自矜益惑之能攘往熙來輒號龍華之會說假放生募金錢而私纏萬貫名爲傳道入綉戶而坐徹三更致使青樓少女也號麻姑白首狂夫競稱橋叟此天地之所不容神人之所憤者也尤可異者文人紳士見異思遷謂觀其人則秀骨珊珊赤松居然不死聽其論則清言疊疊黃屋曾不虛傳嗟乎夫已氏巧于牢籠良有以也舉世人落其圈套豈無故哉脫令其貌不揚其言不雅童子且知其不可矧在老成下愚且笑其無奇况爲上智有干王政之誅不赦若同十惡必爲正學所黜遺臭可卜萬年說等芻蕘有意破近世之惑距同楊墨能言亦聖人之徒

業師王海觀先生傳

李壬林

先生諱漢宗字海觀姓王氏於林爲文人行繼亡室之從伯也父鋤操農業然性愛詩

武鄉新志

卷之四

藝文

二二七

書常語先生母舅曰讀書最樂吾當使小子讀之顧家貧先生讀二年以是有輟讀意使他日母舅來詰之曰君何言讀書最樂今若此豈前言戲之耶父告曰吾非不欲也第家計不足奈乏脩金何舅乃曰吾家雖不殷然以甥輟業可惜也吾當勉釀其脩金毋廢焉先生於是就傅藉母舅之力恆多年既冠舌耕爲人師同治丁卯林從先生游以林幼頗慧督課不少貸語林先祖曰塾中十數童將來可成者惟林乎朋儕偶來訪詢及塾童則指林而默告曰是子可造也是夏林父入邑庠時先生尙應童子試於是益自奮發每當同學誦時先生亦嘯詠其間淋漓酣暢若與諸生唱和然日既夕則命溫故成誦者背誦其生熟而於林尤詳核焉故外人謂先生善訓蒙良以是耳當是時同學中惟林少每授同人業必命林隨之既而讀詩文冬初客過訪先生命以雪夜故人來題使效試帖體林起句云亂雲飄階下安知遇故人先生即對客稱賞蓋林之性好吟哦於此已露一斑矣先生所業八股八韻外若詩賦之類俱未染指然以屬試不售故則又借律賦鈔而學步焉當是時林尙未學作賦也先生偶他出輒窺之然究不知爲何物第愛而識之鈔而藏之適性所好耳厥後林以賦馳騁詞場屢列前茅雖

林之初作賦無所授受然當日之私淑其所由來者遠矣惜先生至今未知耳壬申先生移席去次歲始游庠而林亦於丁丑冬入泮每當春正賀岳家年喜先生聞林至必命至其家詢近况或晤林於途亦如之乙酉林應選拔試榜既發先生迂道訪獲雋者意蓋惓惓於林也客秋病痢幾不起常語家人曰吾素無他恙今若此是年不永也人生之壽夭何常但使延喘於來春俾我於就木之時亦知選拔者爲誰即瞑目矣既以善調攝客冬遂少差今春先生勉就館而病恒間作夏四月林叨選拔世兄來言曰先生尙欲來賀喜願以身多病遂不果來然心欲見子不識於既望之後能使先生一見否林以未至舅氏家至期遂不果五月初林始謁於家而不知先生已之館於是林有謁於館之心第以應酬繁道亦迂又不果月既望先生使人來仍如世兄言林詢先生狀乃知病入膏肓矣次日拜謁於床前家人指示之並問知之否則曰林得選拔拜我耳我豈不知之林告以調養先生尙首肯且屬林以他事言多不亂然瞑目即囑語誦誦先生殆不起矣別後三日卒壽六十有二時光緒丁酉五月二十日也受業李壬林曰林自制舉業以來時藝多不工况古文一道別有門徑而傳爲史家體裁自非三長

武鄉新志

卷之四 藝文

三二八

俱足者尤未敢爲人作傳乎雖然時藝之不工良由性不喜八股生平又不甚措意其不工也固宜若夫傳爲古文之體門徑既不識工拙更不必論如是而有作豈非無知妄作耶顧受師恩深矣受師知亦久矣必拘拘而免妄作之咎則飲水而不思源者其咎不甚於妄耶故撮其崖畧著於篇他日有誌師墓表師墓者或可爲口舌之代焉嗚呼林當受業時亦了不異人而先生獨刮目相待視同門而尤關心焉是此果有異人之處而不自知耶仰先生憐才心熱轉視不才爲才耶綜觀先生之惓惓於林在乙酉之春其訪不憚道之迂去秋病幾危又欲待選拔榜放焉卒之林叨選拔然後謝世夫林之叨選固有天幸而先生之病亟矣乃卒見林之拜謁而後卒更有天緣存焉嗚乎古謂知弟莫若師觀吾師洵不爽也哉

泉之頭東山記

陳祝彭

武鄉泉之頭村東山聳峙清泉噴流彭也世居其閒焉顧村既以泉名凡知吾村者莫不知吾泉即莫不神吾泉泉之爲泉昭昭也固不求傳而傳矣而獨至東山則寂無聞焉何也豈泉可傳而山無可傳歟抑必有藉而後傳歟夫是山也層巒嶺嶺峭壁天成

暮靄晴嵐晦明萬狀至若偃蹇之木突怒之石異草奇花罔不萃於一山而與吾門相對昔我先人建文風塢於峯之肩手植松若棊布以爲斯山者一村之勝蹟也固應有以培之余自髫年即與二三同志日遊其間雖雨雪之朝風月之夕未常不仰而望望而登也迨後奔走異鄉遂間與此山隔別或經年而不睹或數月而一遇因睽違也而竟若棄焉如遺是余之負歎與山者良不少也然而東山則勾萌芳發若爲余而幽香疊翠千重若爲余而潑黛霜楓林杪若爲余而塗丹雪壓巒頭若爲余而傳粉山之淡妝濃抹迴巧獻媚於吾者不可勝述則是山有大資於吾也彭曷敢漠然於山哉遊覽不盡形諸歌詠企慕不忘徵諸夢寐寄情焉而竊以爲號且因以名吾集

余號峯峯自名集爲怡雲山房小草

然非敢謂東山因余而著也余將附東山而傳也東山以余爲然否也還欲向東山而問之是爲記

焦龍洞記

魏 擇

自韓壁村逆折而東千峯萬壑逶迤數十里忽一山陡起峻極霄漢巖巖嶙峋狀况古怪其山之勝有巖洞焉曰海濱焦龍王之水府也地隣潞之黎城界而神實武邑人其

武鄉新志

卷之四 藝文

二二九

戶口現隸版籍邑之南先世佳城峙焉故武邑人之事之也尤惟謹去洞數里許立廟像祀其創建莫稽所自丁酉邑侯李公以旱禱響應倡紳士而鼎新之嗣後屢加修葺碑碣可考廟不敝人不出斯廟敝即斯人出此曾天數之適然人事之感召而又若有潛移默化轉禍爲福代宣其氣而特司其職者神生於十三歲時夢帝授以赤符俾除邪救劫所謂聰明正直能爲民禦災捍患者莫神若也神之斬妖逐疫呵護不詳固指不勝數而近而可徵實而可據普遐邇而共信者猶莫如入洞取雨一事每當旱魃之爲虐炎災立至禾苗待稿無論上自官廳下及庶民齋戒沐浴設壇取雨果虔誠祈禱而優渥霑靈可以立俟則興雲致雨其救民真所謂生死而骨肉也關係豈淺鮮哉故知洞無神何以見洞之妙神無洞何以顯神之靈靈妙變化可謂洞爲武鄉之勝景而神爲武鄉之活佛矣

東山禱雨記

郝世銘

辛酉夏五月旱魃爲虐秋苗將枯邑人相率禱雨於東山焦龍洞循舊例也而余亦適與斯役先是虔禱雨澤設壇於城隍廟三日不應則取雨於五路再不應則往東山而

禱於風雷將軍廟焉去之時官民夜集兩壇約數百人焚香起程官先紳次民隨之若行軍而銜枚疾走風雨不避晝夜不息一若稍稽時刻則愆期獲戾約行六十里至土河而稍憩始用午飯焉晚登山至絕頂陰風颯颯盛夏而若深秋余有山高風力勁路險夜難行之句時方二鼓望焦龍洞近在咫尺間路則疊石層層峙嶮險窄臨高而俯視惟見黑霧迷漫絕壑萬仞杳莫測其所窮苟一失足斯有性命之虞迨至廟約已三更時矣廟不甚宏敞正殿恰在危崖之下額石懸空搖搖欲墜余方驚訝廟祝云自有廟以來數百年如此特乍見者難免驚駭耳俄復起上洞導者云由此而上不過十數里遂由半山行祇見山前尚可逸邇而上山後則峯巒陡峻溪間絕流山重水複疑無路矣幸有導者穿林攀石旋繞而下過此而天色已曉方賈勇以備前行而不意山洞已在目前比及洞暫休片刻而呼湯覓水者喧囂不止頃復氣肅神凝竚待拈香矣官民跪於洞口水官嚴裝以入洞進時喊聲若雷俗曰鳴洞洞內傳有上天梯祭星石粉白墻大小牛口諸勝蹟聞所聞未見所見約一鐘時取兩者出洞外人即齊聲掌佛相隨而啟行矣歸時不由舊道路較前更險所見惟峭巖絕壁高峯插天有若老人之頭

武鄉新志

卷之四

藝文

四十

禿者有若童子之雲鬢高髻者有若大將指揮三軍靜聽者有若賓主拱揖忽送忽迎者怪怪奇奇目不暇接行至百里坡高峯中僅有一綫之小道曩之見爲石磴者今復訝爲上天梯矣過山頭路稍平坦始放足而行及至韓壁魏紳授午餐設榻於家焉厥明曉行至上合結伴而歸不復路宿矣沿途接兩者約數千人比至城而日已過午焚香安神靜以俟雨澤之降云

洗心

魏錫鈞

耶教於七曜日懺悔祈禱正合大易七日來復之義夫大易無所不包即以十二月卦體以講吾儕洗心之義自姤自復歷六陰而始生陽則剝盡必復是猶人於一念之差漸至於剝喪天良幾無一隙之善念然而叢雲密布未必無電光之一閃雖惜亡殆盡豈無幾希之善端苟於平旦清明之際能致力焉則求其全體光明亦不難矣使任其隨發隨蔽而不知致力如將一粒明珠限於泥沙塵土中則永無復獲之期矣謂其本無是寶耶亦何常無是寶也謂其原有是寶何至今不復見耶吾甚惜夫人之皆有是寶而不知愛護遂致物欲蒙蔽竟失其本明之體而不自知是天全而賦之於我者而

我不惟不知慎重保守而反污蠟董染味其本來異日何以復還於天乎是以湯銘於盤以自警曰苟日新日日新又日新此洗心之說所由此歟然則心何以洗曰功利之心勝則洗以禮教誇詐之心勝則洗以信義貪墨之心勝則洗以廉潔刻薄之心勝則洗以寬厚心迷於聲色也以道德之說洗之心溺於富貴也以仁義之說洗之洗以仁恕而忌嫉之心滅洗以陽和而陰險之心去洗以謙恭而傲慢之心淨洗以和緩而躁急之心消此則洗心之法也果能日日滌其舊染而虛靈之真體自見豈非復見天心乎天心見則性明率而出之即所謂道也以之齊家則家齊以之治國則國治以之平天下則天下平非特吾儒惟然也即老子之致虛道家之鍊氣釋氏之明心何一非洗心耶但同一洗心而彼則置世事於不顧吾儒之洗心則以爲世用也蓋治人必先治身治身必先治心今則心法不講人慾橫流勢利之心日甚道德之心日亡苟不設法維持漸至不知所以爲人之理矣故上憲憂之令各處設立洗心社以求復其固有之良凡我同志諸君每一星期來社聽演冀滌舊染亦七日來復之義也入坐之時宜各息心靜氣回思前六日間已心之所存想果無分毫偏倚乎果無一絲翳障乎內省

武鄉新志

卷之四 藝文

四一

有疾則以講席爲沐浴之盤以聖賢訓話古今格言爲洗濯之清水錮蔽淺者一洗即明即錮蔽深者亦久之而自新猶卦體之一陽以至六陽則陽明之全體見而天心復矣至此而功可已乎曰乾者健也天行健君子以自強不息使功可已則天命之於穆不已文王之純亦不已何爲者耶慎勿自棄願與諸君共勉之

詩

弔李烈婦

邑令王藩

李氏女子魏氏婦殉夫之烈世稀有程生作記紀其詳我復綴叙冀垂久烈婦生長農氓家不知締綺知桑麻十六嫁作樵人婦但知有夫不知他夫出採薪婦在室在室奉姑代夫職忽聞夫墮危崖亡天地黷黷無顏色曾參殺人曾母疑爲樵隕墮情非欺徇姑慰解死復活貌強承順心銜悲阿姊能識墮崖處給以往哭使導路生已不重奔波輕身未到彼魂先赴野鳥羣集猿哀號仰視不見蒼穹高臨崖一擲遂同穴豈計如山如鴻毛生前事夫未浹歲沒後事夫永弗替於時嘉慶紀九年距今雙棺久闕閉所居之村名土河村實無水河無波有此烈婦不名烈循名責實嗟舛訛表章幽隱邑宰事

網常支柱乃世瑞得請大吏旌其閭勝飾高年競作偽

時方稽核者民齒藉故云

稗山懷古 山在武鄉城北石勒故里勒聞上有麟跡故云

前人

芒碭雲深王氣融肖形鐵騎敢爭雄聽書耳已傾前箸聞鐸心應愧大風北郭臺高躋

種絕 石勒少時家園種人參悉成人狀今城北隅有臺和傳勒屯兵於此東門碣在嘯聲空 城東門外有石勒碑字漫滅不可識金陵佳麗還消歇觸目偏

勞弔古衷

登文昌閣

前人

城從山半立閣更踞城巔呼吸能通帝吟哦待問天垂堂思往訓攬轡慕平川誰鏹羣
峯去開襟覽八埏

調任汾陽留別武鄉人士

邑令岳維城

手折芙蓉下玉京翻來宦海問前程頭銜已撤條冰去口碣空傳勺水清隰紐山樞風
自古鼠牙雀角日無聲改官四載曾何補忽檄河汾西向行

中郎何事聽偏饒憐我非桐爨底焦質本纒材甘外吏春吹弱羽亦遷喬慈雲已覆離
椽竹霖雨還看益黍苗叮囑蒼生休惜別撫琴人各答鈞韶

武鄉新志 卷之四 藝文

四二一

攀轅莫漫唱騷歌第一功慙樂育多官閣月局勤校課名山雲護滯魏科手非造鳳輪

難斷士可登龍硯肯磨壇坵雖開仍負負 書院月課久未舉行余履任按月局試士各知奮而戊科仍解中雋者亦余之不善教也教猶似此養

如何

六月山陬旱虐時艱難徒步禱龍祠翳生蒿目成雲障 丁亥歲雨為暑所侵遂成日疾年來始愈鑿及蓬心格雨

師乞得連年魚入夢笑分五斗鶴充飢好驅竹馬迎烏旆新政從頭拜惠慈

徒將身現宰官來百姓相安敢見才地易撫綏心尙慎城難捍衛首宜培虎牢成藉千

人志鶴俸艱輸獨立咳修築幸除塗附跡多煩父老頌臺萊 邑人以城工落成賦詩見頌

此邦人士已難忘更憶來游洛下商斷獄敢矜明以察 河南武安民申庚等送有明察以斷區額懸堂偏頌鏡彌

光 虛堂懸鏡邑民張忠貴等所上額也漫教飲馬臨汾水暫倚吟鞭指太行記取銅鞮一揮手絲絲牽綰柳初

長

弔蘇峪姜烈婦

邑令郭錦城

飛走倉皇歲事偏荒徑無人月色黑田塍古井幽且深陡然失足救不得我聞此事尙
哀憐何況聞人如比翼耳中傳到駭非常覓死數次真痛極嗚呼烈婦從一終但知有

夫他不識夫死溺婦死毒同穴不忍九泉獨夫唱婦隨允惟則

戊午仲秋同嚴吧望倪紹泉劉春波陸奕昌李靜菴周若衡周文木暨余次子源

洎遊南神山小集率成三十二韻

唐金

我未來皋狼南山已注想爲聞境特幽嘉樹更蕭爽準擬到此間偷閒便一往隔岸堆翠微煙嵐爲滉瀆咫尺阻漳流秋霖時迅漲遲我閱旬餘引領心發癢蒼穹忽放晴氣得秋逾朗越宿約同心清福愧獨享壺榼各攜持僮僕恣遊蕩策蹇適朋儕肩輿謝旗仗我後出城南涉漳漳則廣露膺任從人竟過忘決漭登岸緣山行禾黍風搖響徑仄下籃輿扶人不用杖迤邐二里間蘭若倏已仰諸君先在門看我攜兒上入門禮空王境愛幽而敞參天松孤峭絡地槐崛彊白雲滿山窩紅葉雜林莽陂陀帶城郭攬之入軒幌野色淡平蕪畫意倪迂仿於時始坐憩歡笑相撫掌探奇更入林藤稍絳鶴髦摩岸得鐫題剔蘚憐愴慌有客躡層巒呼我我不黨爲是窮搜羅力倦已強勞晷影漸西頽歸途虞蒼蒼促筵設松下團坐隨少長煮茗汲新泉添看尋落橡絲竹間清歌盈耳暢幽賞薄倦下平川餘興猶跳盪歸來話燈前茲遊可無兩

武鄉新志

卷之四

藝文

四二

嚴朱點

幾處晴嵐縹緲一泓流水灣環細草荒苔仄徑白雲紅葉青山巒緩漫嫌馬劣奇探不覺入頑剔蘚摩挲古碣捫蘿登躡煙髮酒興泉鳴風發詩懷天澹雲閒人似羲皇以上神留山水之間

倪德麟

皋狼勝跡數南山巒嶂參差曲水環古寺深藏紅葉裏孤松高入白雲間峰頭縱目神逸爽禪院開樽意自閒把酒劇談忘坐久晚風扶醉渡潺湲

遊南山

劉大復

今日南山譙凌風興欲飛半林紅葉韻四座白雲圍好友如秋淡閒談入道微盡歡猶繼繼未及月同歸

陸寶傳

憶在寒食時踏青愛晴昊乘輿入南山山徑多芳草適逢賽春社巫覡紛祈禱士女雜沓來鑼鼓喧山鳥靜旨礙林泉殊不愜懷抱於茲春倏秋齋居苦煩惱山光隔岸橫眺

望愈縹緲去去興勃然漳水漲秋潦病涉無由登佳趣失不少榻來漢芝翁胸次殊浩
浩先得我心嗜隔夜邀朋僚以山作主人酒肴隨意造我聞當欲狂假寐待天曉新晴
日最佳出沐山逾好策馬渡溪流迂道綠林坳泥濘馬不前徑仄人幾倒彳亍三里餘
古寺見林表野卉散幽香谷風傳異鳥憩息倚山門俯視塵寰杳漢翁獨後來人從蟻
行小携手入蘭若徑曲隨窈窕蒼松皴虬鱗古槐舒龍爪雲白浮潭靜葉紅襯山老翁
乃不肯閒攀躋窮搜討樹低側帽簷藤挂緋袍襖懸崖得古刻漫滅已難考蘇苔斑陸
離潑水加帚掃摩挲斷續吟人語空山悄歡笑出幽岩斜日依林杪開樽面平蕪促坐
藉秋藁竹爐燒拾薪山薇雜酸棗有客發清歌橫笛音繚繞歌罷夕陽微四山青瞭瞭
皋狼一甕城廬舍蒼茫遠火出疎林不教歸路縹徑截渡漳河馬嘶燈爲燄歸來神
颯爽茲遊恨不早依依醉夢間餘興猶未了

李德芳

聞說南山寺山環寺最幽龍槐頻想像石壁冀勾留節候欣多爽登攀快有儔遙看興
已逸策蹇過漳流

武鄉新志

卷之四 藝文

四四

得到南山寺幽奇境共探清泉鳴石峽疊嶂蔚晴嵐人雜雲窩樹禽依法雨壘蘇門疑
此是嘯莫近龍潭

雅集南山寺攢袂共挈壺五侯鯖不羨六逸致應輸籟發羣囂靜秋澄萬象蘇座中有
摩詰好繼輞川圖

劉春波
善畫

晚下南山寺蒼茫踏蘚苔疎鐘清碧落夕露滑層臺歷坂旌心定捫蘿醉眼開臨流停
馭待隔岸夜珠來

周作銓

積雨新晴清秋半老白雲紅樹山窩前宵有約攜酒過漳河古寺嵐橫翠繞錦林裏捫
徧青蘿忽搜得留崖舊句剔蘚費摩挲 呵呵曾記否年來此地幾度經過怪今番挈
伴意興偏多歡盡更呼餘瀝忘形處大笑狂歌同醉也人扶上馬燭影亂寒波

調寄滿
庭芳

周大彬

作客皋狼兩度秋南山縹緲隔漳流年來病足惟跌坐望裏林巒夢裏遊
晚窗雨霽挹晴嵐步履蹒跚興亦酣扶杖追陪留憩處淡煙紅樹憶江南

數峯蒼秀水澄環人寄清虛渺靄間如此風光如此客應留佳句在名山

唐源直

南山信幽奇羣賢更風雅几杖得相從彷彿舞雩下

盡日窮佳境歸還戀此山餘情同夕照猶在古槐間

曲沃教諭魏公雲榜殉節詩有叙

咸豐癸丑八月之變曲沃城陷廣文魏公端坐明倫堂罵敵不屈死子介生姪

浩生同殉焉媳趙氏聞信絕食死事聞旌表如例父子俱祀昭忠祠

山西學政龔承鈞湘浦湖南湘潭人癸亥榜眼

正氣由來秉自天肯將清節讓前賢遙聞烈士捐軀日又見霜閨就義年白刃盟心知不負青鸞表志惕彌堅一門振得綱常起豈問芳名與世傳

山西學政朱福基西山江蘇無錫人

魏氏忠貞本性成太康而後見先生甘心斷領完臣志忍使違心負聖明作宦那曾尸爵位讀書真不愧科名即今寵錫龍章日行見馨香祀典榮

武鄉新志

卷之四

藝文

四五

邑令蘇毓元徽鄉雲南人進士

忠孝由天賦堅貞本姓真何期千古節俱出一門人兩碧孤臣淚山青烈婦春深恩蒙

帝鑒褒典降楓宸

魏氏忠貞著家風繼太康一門垂大義千古振綱常氣並河山壯名爭日月光褒旌來

紫極天語表煌煌

南亭留別

邑令李壽芝蒼仙湖南人

十年俗吏老風塵又到南亭兩度春今日徘徊漳水上我來辜負宰官身商量文字夜深時笑比冬烘不自知寄語諸生須努力秋風高折桂花枝窮簷子弟亦聰明苦爲飢寒學未成但願家家絃誦後荒村都聽讀書聲快將楊柳趁春栽多仗天公雨露培待得瓊枝高百尺他年好作棟樑材最好人皆古樸崇結廬多在萬山中年年耕織饒真趣勤儉猶留蟋蟀風偶看春色上樓台又聽驅歌幾次催卻對東風無限意涅城何日我重來

卸邑篆後口占

邑令曾茂林

管領山城恰一秋暫拋黃綬解離愁株連恐有冤成獄菊靜惟招月滿樓宦海風波頻
起伏官厨冷澹悟潛修澄懷自覺清於水併入漳江日夜流
皋狼舊壤古彈丸愧聽與人說好官墉鼠訟成平反易城狐技熟剷除難從知政簡刑
方簡直到民安夢亦安去後寓樓憑指點龍門高處白雲攢

五叔廬墓南嶺

邑人程康莊以下邑人

鳴鳩事業等飛灰天上星精去不回孝子顯名曾擾兔棘人多病畏登臺三年哭泣無
乾土五色文章出異才惆悵司空艱守衛塵昏常到北邙來

對策太和殿

前人

上國材賢浩縱橫琢磨詞氣類華星西山爽氣朝來見魏闕青途得後輕筆湧萬言風
雨迅人看一日羽毛成爐烟細處垂天仗靜聽公卿曳履聲

龍爪槐

魏倫

怒攫鯨鯢駕海來南鬼蛻骨起雲堆蒼茫夜盥三更雨霹靂天轟二月雷奮臂直搖山
嶽動揮拳驚拍浪濤開人間何處修鱗甲應奪龍宮第一胎

武鄉新志

卷之四 藝文

四六

登崇城山

趙擴

青山千餘仞微徑苦仄仄忽爾廻環處宛然別一域懸崖直下垂古廟居其北憑欄一
南眺連峯去如翼遠景分濃淡岡巒互相逼爽氣豁吟眸高風盪胸臆舉足可升天奚
借罡風力始信陟山人登峯宜造極嗟哉塵俗士可望不可即

太上皇紀元週甲授受禮成恭紀

李端

壽寓珠囊啓金甌景祚延無思三極建有象萬方宣瑞氣凝雙闕祥光被八埏候調葭
律協統正斗杓旋幸遇皇敷福欽惟 帝奉 天一堂親授受六甲紀周全耄念休徵
備龍飛大寶傳文思常裕後濟哲本承先治象風行草心源月 山川爰符箕畢好直
典謨篇主器亨占鼎衷宸健體乾歡騰青甸外詔下彩雲邊率土深懷保窮檐樂惠鮮
洗兵炮鼓靜視學石經鐫額廣芹爭視科開如必連掄才興樸棧闡道察魚鳶飲食生
民質人情 聖世田叙彝疇錫九賜宴叟盈千復且鴻濛闢重離旭照圓曉催銀箭漏
香繞御鑪煙虎拜羣僚肅嵩呼列辟虔禮成鸞鷲集樂奏鳳凰翩伊盟圖王會睢盱繪
史編微臣依禁省稽首萬新年

市炭行

前人

吾家舊在皋狼東亂山一帶石璫璫炭窰相距百餘里鑿山取道通蠶叢午歲設館來榆邑薪米價昂常不給更值嚴寒鑪炭空山童報我我心急是日大雪滿城飛填街盈巷人跡稀余素性迂少相識叩戶求人與世違遣童冒冷尋煤市千緡能買我亦喜無何旁午黯然來雪花徧身冰在履具言此地煤素缺况復山徑埋寒雪中烟火幾千家半因求炭足蹙蹙如是我聞一長嘆吾齋暫可乏薪炭先憂後樂古所云獨惜此時窮民少炊爨君不見凜凜寒威足損神半山尙有採樵人手膚凍裂血水新腹飢腰折仍負薪又不見當年王石蠢愚才蠟薪餽釜競多財金珠一旦委塵埃過眼豪華安在哉

白馬山雜詠

前人

黃鶯招我過林傍吹面輕風陣陣涼臥到山間人不管松陰爲被石爲牀踏破蒼蒼石上苔層巒高處撥雲開歸時笑與山僧說贏得清風兩袖來眺罷青山掩北堂渾無一事對琴牀紙窗半被狂蜂嚼放出爐烟幾縷香

武鄉新志

卷之四

藝文

四七

曉日騰騰轉碧灣空明一片映柴關不知誰把文犀帶拋在山間與樹間寂寂柴門傍湖開樓禽亂噪夢初回醒來怪問泉聲急爲有西窗夜雨來

城工落成上岳方亭明府

趙昌業

武於三晉爲僻邑城闕高下依山立自從明季遭摧殘應敵倉皇事修葺邇來邳隆日已久風霾剝蝕成頹朽南困長河北臥山東西雉堞復何有太史岳侯來下車周環巡視獨長吁國家守土有專責生民扞衛將何須况復尊經傑閣關文教豈可委廢同榛墟乃呼耆老及薦紳量力扶助捐貲緡仍就其中澤才智朝夕督課無憚勤羣謀既協材力集經營尺寸無遺失不煩國勞不勞民計日程功應時畢方今熙洽樂昇平念切保障謨何宏行人漫道金湯固化浹還因衆志成

遊離相寺

前人

一徑穿幽谷言探古佛場地猶雄虎豹天久屬牛羊斷碣依豐草殘鐘臥夕陽惟餘雙柏在突兀對青蒼

煤窰

前人

金玉世所貴維致良獨難水火民至足待用宜無患水弱固多死火烈民亦殘豈惟不敢蹈取之嗟難言吾鄉產石炭幽邃閻岡巒居人愛奇貨聚族鑽巔岼既得疑拱璧祭賽紛來觀臨穴皆惴惴猿狖愁攀援其徒賈餘勇身輕插羽翰懸纒百千尺轆轤轉灣環投之深淵些冥冥降雲端纏頭東爨火聊當獨龍然冰冲鑿終日虛往期實還暮從智井出魑魅誇人寰豫讓全身漆墨子絲長嘆但見眼餘白誰復分朱顏爭獍鬼手馨槍攘攤金錢歸來競酤酒醉笑稼穡艱我爲再三嘆頤養咸絲天胡爲區區物愛惜反成慳或云天道遠預以絕貪緣險猶恣攫取易執肯耘田不見江海上販舳蹤纏連所得豈不夥性命輕雲烟人心固不一嗜利生可捐緬想巖牆訓誰與信前賢

喜岳方亭明府修城落成

王夢聘

武鄉蕞爾城乃立鞞山側勢隨峯低昂蟠曲甚奇特惜哉經歲久剝落滋苔蝕斷堞風烟沈荒寒壁無色岳侯始來官顧之屢嘆息古人設此城衛民即衛國坐廢不克修奚以禦寇賊乃召士民謀坯完事孔亟利人人樂從不假強驅逼富民爲助費丁夫復宣力協衆成鉅功崇墉起翼翼此城建後魏基址頗偪仄有明嘉隆間一再增其式今茲

武鄉新志

卷之四

藝文

四八

復襄事規度越前則民感侯之勞相與頌伊滅侯曰吾何功城守固其職方今海內安防禦孰嚴飾我武乃荒陬作城漳河北官吏胥如斯萬里靖邊域

前人

題爛柯山

此地傳王質千秋俎豆香山河猶魏晉人世閱滄桑終局浮雲變遺言故老詳仙樵果安在蹤跡近荒唐

前人

鞞山懷古

蕭蕭原草幾春秋鐵騎猶疑響戍樓王氣有緣鍾上黨英雄何事變中州殘碑銷磔空餘石長嘯奇橫尙憶劉生際承平金甲毀漳濱臥聽水安流

喜城工落成呈明府方亭先生

有叙

程林宗

武鄉城敝久矣明府岳公捐俸勸捐延吾輩二十四人葺而修之其利普矣林宗無似恐惠澤久而就湮爰集同人分體獻韻敢云矢其文德或勝食德而忘其報者得七言古一章爲諸人首唱焉

蜿蜒何曲折舊城乍新堅似鐵四面樓角連雲飛城隅一閣更奇絕經之營之成

者誰方亭先生首捐貲先生有交輝翰苑先生有政庇城池工巨難免廣招士綢繆未
雨當如斯我從城南仰城脊氣象崢嶸迴異昔朝來雲霞抹角紅暮靄煙樹散金碧南
低北昂擁畫圖漳河朝案鞞山宅臨流枕山絕秀明嶄然一新何嫌窄憶昔我武號涅
城後魏太和始變更千年吞錘難窮究增其式廊端在明我朝豈乏泥聖補女牆終墮
雉堞平先生奮起襄盛事百堵重新素所志力勸富戶揮丁男唇焦舌敝心不二至誠
感神人樂從醵金假士不假吏遂戒寘薪成偉功一勞永逸享其利何須冬官奏績隆
衆志成城頌我公君不見謝埭蘇隄並潘縣陰以甘棠播以風又不見錦城田父樂泥
飲說尹在口口不空

烈婦詩

有叙

前人

烈婦李氏邑韓壁人年十五嫁於土河村魏某爲妻未逾期夫採薪墜崖死時
婦歸窳母家聞變踉蹌至一痛而絕救之得蘇不食俄而給其姑黨曰若能指
示我夫死所得一望而哭即作未亡人無憾家人信之其夫之死也尸爲姊所
昇歸婦遂挽姊以行至則高山墜石鳥獸悲號殘魂已杳寂無人聲婦呼號望

武鄉新志

卷之四

藝文

四九

崖而投村民不及救移時而卒年十六歲嘉慶十年某月日也土河環山少水
巷無居人而魏氏不知爲死者求旌事遂寢予先人有遺業於此歲恒至求得
烈婦投崖處爲之帳然憑弔不減古烈丈夫也因作詩以紀其事

土河名河乃無水土河有山勢嶮巖中有烈婦甘殉夫身歿數載無人誅婦何姓氏夫
何人夫壻魏姓婦姓李魏家夫壻躬作樵探得薪來助甘旨懸崖墜石命已矣糟糠之
妻一朝委問婦此時年幾何羅敷採桑歲可紀嫁得黔婁未逾期誰云此變即當死烈
婦窳母氏歸來痛不起家人再三勸母氏亦來誓給言夫死何山隈得望其處爲幸耳
家人信之不復疑烈婦出門隨阿姊不聞樵者歌但聞猿聲悲號入骨髓不見往來人
但見太行山麓勢迤邐直下數仞深無底殘魂血縷約可指寄語家中人我夫在此俟
不敢臨崖反尙覺化石鄙一聲淚墮一身倒貞魂粉碎危崖裏可憐烈婦甘殉夫可憐
村民不挂齒滄桑榮枯倏忽變誰采清名汗青史作詩指點行路人斷臂割鼻安足擬

弔閻烈婦

前人

土河烈婦死四十年來無人繼芳軌道光戊申三月初十日賈莊烈婦湛媿美初聞此

信咸哀之繼而言人人殊口不理或言此婦曾罵姑或言改適有微旨將於老少妍媸擇彼此毀言漸比譽言多如以明珠認蕙莛上舍劉生住此村向我詳言譽者是夫家趙姓婦氏閤結髮夫妻元燕喜去年夫故夏之初立志紅顏守沒齒常向杯土哭亡夫手焚襪襖並遺履貧民物重人即輕緣此不和諸娣似此婦有翁未事姑譬諸臣無婦翁何從毀恨煞母家重恩俗以母家得再醮錢為恩養曾許某甲事難已夫家翁嫜皆愛錢那容廢也靡他矢可憐薄命盡須臾肩輿到門長已矣先是婦從母氏來手掘孤墳哭不起回首伴權別四鄰以故投繯不疑彼卒時年方二十二夫家嫉之加謗訾先生著筆自來公莫教無疾萬人指我聞此言頓釋疑探風他日或垂史作詩並與上舍劉鬼伯逼命往往爾况聞善善從其長那忍坐視其烈真如此不聞譽之反遭俗下鄙

喜城工落成呈明府岳方亭師

魏守經

暫辭仙掖下雷封棠舍濃陰積幾重領得專城風景好鞞山高聳碧芙蓉
記得山隈壁半頽斷垣古石繡莓苔何緣衆有成城志比戶歡聲效子來
釀合金錢慎度支使君倡義首捐貲夕陽野杵人間話衆口謳思即是碑

武鄉新志

卷之四

藝文

五十

幾聲縮版聽登登雉堞尋常計日增轉眼畫圖開四面宛然霞蔚與雲蒸
書城確處錦城完漫說居官保障難鼙鼓不妨弦誦暇儒林循吏並登壇
近郭晴嵐上戍樓一川遠色豁雙眸女牆微露紅欄外府瞰清漳曲曲流
城巔一閣更嵯峨秀削青空點翠螺人到上頭看下界望中煙火萬家多
鑄來鉄甕費經營哈喜鳩工不日成我是河陽一小草也從花縣賀承平

弔土河烈婦李氏

前人

李氏族人某妻也某業樵墜崖死氏痛不欲生給人導往其夫死處殉投崖下
時十六歲程介山偵知之曾以詩紀其事後邑侯王樂山先生作詩弔之勒石
書院壁上

李氏女嫁余族殉夫死年十六此事垂今三十年王程兩詩人口熟乃復僂指一數之
毋乃紀實多繁復我按烈婦事代想烈婦心夫唱婦隨無間死要將同穴比同衾臨危
視若履平地不見懸崖百尺深當其聞變慘不食夢魂已化雙飛翼巉岩絕壁與同遊
血肉之軀聊喘息望崖下成樂國人間風景皆無色彷彿亡人招手來阿姊同行救

不得爾時阿姊淚盈毗曠野號呼村民至奔告家中人咄咄稱怪事以謂烈婦不讀書不識字去年初嫁來與人了無異大義誰告之此事談何易嗚乎此事談來人不料非有成格相倣倣爲臣死忠子死孝平時豈有輕生貌不將轉念負初心何人不可維風教鬚眉愧不如巾幗駭傳烈婦方年少

南山二十四詠

前人

南屏堆錦

山下望山脊烟霞間金碧是誰製錦屏妙不關刀尺

雙松拂雲

夾路兩株松不作支離狀雙蓋立童童影拂雲階上

北閣觀瀾

山口接漳河一閣將山鎖北向且憑欄小憩臨流坐

兩池映月

磬石暗相通兩池如兩目波光帶月流明輝無斷續

武鄉新志

卷之四

藝文

五一

龍爪

天龍來聽講麟爪有餘威好把虬枝護防他破壁飛

麟趾探洞

天上石麒麟未必人間有偶探石一拳低頭拜聖母

經樓擁翠

看山背負山祇合從旁見隨喜到經樓飽看山正面

禪室圍花

我聞諸菩薩花落不黏身大衆看花者將毋花笑人

絕壁留題

石上掃苔紋澀繡數行字文雖難卒讀摩挲存古意

上方聞

上方人籟靜梵貝出空林流水開花地能生禪寂心

佛座懸空

法象塑懸空金身現一一無樹亦無臺方是波羅蜜

山門攢頂

門角與鈎心憑空布八卦門設乃常關為隔仙凡界

雲林聽鳥

林茂鳥有託雲深鳥不知人禽俱自在聽到入林時

石井觀魚

石泉好烹茶取水八角井暫依石闌杆數盡游魚影

老樹摩霄

老樹閱千年雲端獨昂首俯視階下松只堪稱小友

繁澌咽草

山半出流澌如人有血脈營衛互相滋草木為毛髮

盛暑凝寒

一徑入雲深炎歎俱隔絕人跡不到處疑有古時雪

武鄉新志

卷之四

藝文

五二一

清宵鳴籟

暮山羣動息暝色來空外刁騷一片聲衆籟皆天籟

曉霧初收

籠住青山色千林宿鳥驚霎時煙幔捲樓閣倍分明

夕陽返照

夕陽工寫影偏戀最高峯游客屢回顧離僧方打鐘

春風逗芳

早春花含苞無香亦無色忽地山風來逗出春消息

夏雨觀瀑

樹杪下飛泉寒聲一陣添洞門雲鎖處如卦水晶簾

秋霜染葉

轉綠乍迴黃衆山失蒼翠携酒賞霜葉人與山同醉

冬雪封林

前度林巒好經冬雪亂飄錦屏留賞徧粉本與重描

白龍洞

前人

石洞穿山根地脈鍾神秀入洞數丈餘靈淵瀉寒溜探奇必鼓勇徹底思窮究忽驚巨石立秋雨濛濛逗探首更向前如兩矢夾脰頓覺涼侵肌盲風生石竇深沈不見底陰森暗白晝回踵尋紺宇依山成結構俯臨水滿溪仰看雲出岫臥聽松濤聲蕭蕭和猿狖

倒栽槐歌

前人

怪哉槐柯色青銅塞滿廟院陰重重枝葉鈎帶相彌縫彷彿圓織撐高空根荄著地難尋縱不受尋常栽培功酣嬉淋漓爲形容雲端探首如虬龍又如張旭草書工以頭濡墨誇神通如此奇材不易逢俯首暫託雲龕中養成風煙何溟濛會看飛去凌蒼穹

拉河煤有序

前人

縣東多煤井土人積煤之所地曰鯉魚店每冬月河冰合時自縣以西居民輒取一小木具至積煤處載炭數百觔沿漳河冰面而上較纍纍驢馱獲利差勝

武鄉新志

卷之四 藝文

五二

然其勞瘁之狀視春夏間農功爲甚作詩紀之俾采風者知吾鄉貧民作苦有尤劇者云

兩山夾岸河冰闊曲折一綫途滑澁行人如蠶冰上來背負重任步蹙蹙短衣結束一絛襖雙足勝纏藉毛毳爲問此何人俱自縣東來買煤鯉魚店都已載寶回塵沙上面風力適尺布掩耳聲颼颼背後冰牀二三尺彷彿以絳拉小舟一步一掉臂兩步一垂頭足踏手拄地額破面血流有時冰面沙痕積欲前不前多逗遛前後同伴互相助比肩用力同駑牛向前數步冰色淨得勢趨捷爭獼猴嗚呼嚴寒慄肌身反汗冰上趨程夜達旦一人牽挽數百觔博得兩錢一觔換那知豪富人紅爐煨獸炭擁衾猶白怯早寒熏籠不使香煙斷

團練行有序

前人

時邑中有抽丁團練之舉官牒甫出遠近風聞訛言四起雖有稍明大義者代爲辨析究未及家喻戶曉且小民好爲過慮亦似有談言微中者余擬此篇代臚下情期於言者無罪聞者足戒焉第道民意中語則得矣而於時事殊未能

誦法得體書竟不勝惕息

孔門談治法足食與足兵秉耒荷戈各有事古王教戰先勸耕壯者假日修禮義鄒曄不言團練名良法有時不諧俗周官亦足誤蒼生前詩粗陳梗概未盡意請公聽我團練行一解編排齒籍稽核衆形十六以上五十下三人五人抽一丁愚民少見多怪側目相看抽及一人一家不安抽及數人一村不安未看拔戟成一隊先噴煩言攪一團舉事謀深收效淺播敷容易造譽難二解民莫不欲逸無事怕自擾謂各有本業無如安靜好抽丁令一出美意人難曉往往鄉村間鳴金屬耆老倏有父老歎息言五六兒俱授室早生兒多不若生兒少孩兒大不如孩兒小驟聞此語堪絕倒徐思其故心燥燥三解少年豪俊無與儔奉法將爲團練頭率領衆感出矢言爲重我民無盡劉尺幅黃旗大書字纓鋤棘矜皆武備火器許用佛郎機官法督趣非兒戲四解團練頭如主將既調兵必徵餉兵之請餉有定期予以金貲飽以糜源源相繼力不支自須陵削民膏脂五解將有游民來託名官身漢聚黨數十人輪班遞更換狗苟與繩營團聚在昏且藉此萃淵藪行事彌獷悍此輩易聚非易散恫喝良民成習慣良民間有廁其中如

武鄉新志

卷之四

藝文

五四

以衣冠坐塗炭六解吾邑無巨富無大俠不近衝要途外事無偵諜鄉民妄猜疑謂患在眉睫邑紳代曉諭百喙徒喋喋思告賢父母何人爲緩頰此事即今未舉行羣情洶洶先震懾七解嗚呼吾民乞可小息惟喜康共爰得我直尊親分誼明捍衛自盡力善人教民可即戎豈但巡邏及盜賊君不見地中有水占畜衆帥師絕少潢池弄又不見六尺七尺多壯夫患寡患弱胡爲乎八解

游南山

前人

好山都北向一水自西來雲影吟筇導灘聲健步催岩腰行欲盡隘口到方開小憩溪旁石摩挲坐綠苔

短草茸茸裏幽尋一徑微泥融痕在屨樹小刺鉤衣時鳥傳天籟池魚見化機悠然生道念獨往叩僧扉

金碧遠空浮琳宮色不秋白雲穿石洞紅藥護經樓

山寺有藏經樓一區

別有禪心淨兼將畫景收

更看槐影瘦禿幹老如虬

龍爪槐在東偏院

坐話山靈共勾留作別難吟詩題未就啜茗量偏寬林罩煙千縷風吹月一丸歸途將

欲轉屢次掉頭看

題北城樓

陳默

雉堞繞層雲欄浮雲以上崢嶸百尺樓穩壓山河壯

南亭煙雨

前人

溟濛一氣接漳濱樹裏南屏入縣門面郭雲迷千萬嶂隔溪煙罩兩三村漁蓑隱隱鷗邊立牧笠輕輕牛背翻鞞鐸不聞聞笛韻陰晴幾度變朝昏

喜城工落成呈明府岳方亭先生

范士熊

名城簇簇傍巖阿物換星移幾度過趙魏乾坤經闔闢朱陳事業漸消磨

後魏始徙城於鞞山之麓舊為石趙

故城明巡道陳耀知縣朱文博增築南垣

一聲磬鼓鳩工築四面雲山雉堞羅知是長官能保障口碑留得里人

歌

棠蔭年來教化淳專城管領見經論雲連疊嶂規模舊樓聳層霄結構新官舍閒時清似水花封是處霽如春晚衙放後琴簾靜坐擁書編又等身

弦歌滿郭聽聲聲况復冰壺玉映清身率倡先捐鶴俸子來經始洽民情趨公衆有從

武鄉新志卷之四藝文

五五

風效報國工宜不日成真箇一勞誇永逸武城居即是金城

畫堞參差入望懸登樓吟眺踞城巔水縈半壁金湯固石壓環垣鐵甕堅北極星臨千

戶曉南亭人渡一川煙鞞山絕頂青於髻宛似憑凌尺五天

城背鞞山面漳水南亭古川名

南神山二十四詠

前人

南屏堆錦

一疋雲中錦被風吹下天是誰都翦碎堆在亂峯巔

北閣觀瀾

飛閣銜山口前臨漳水灣每當春漲後疑坐蜃樓觀

雙松拂雲

山半起樓臺雲浮欄以外亭亭階下松對作雲中蓋

兩池映月

明月松間來幽人池上臥雙松映雙池一池月一箇

龍爪蟠槐

西爪東鱗見團團蟠入林攫空疑釀雨滿院護濃陰

麟趾探洞

石洞窈而深洞口題麟趾麟兒詎可求麟石探不已

經樓擁翠

經樓高入雲正面層山綠老衲懶雲遊此中臥遊足

禪室圍花

紺字花多少問僧僧不知誰知花散處正是坐禪時

絕壁留題

絕壁看留題年深苔滅沒石幾歷三生但見藤羅月

上方聞梵

萬籟寂不聞扶筇自孤往回首瞰琳宮冷冷梵聲響

佛坐懸空

佛本無住著非同沾絮泥是空即是佛何處不菩提

武鄉新志

卷之四 藝文

山門攢頂

坐觀山門頂櫺栢成別樣恍疑佛坐蓮倒掛松枝上

門上古松下

雲林聽鳥

春來鳥聲繁滿山嘯不住數聲入林來一聲穿雲去

石井觀魚

八角山中井水清魚可數知否魚化龍慣作山下雨

井在海濱龍王廟禱雨輒應

老樹摩霄

矯矯千歲松參天無寸曲枝葉久摩雲今餘老幹禿

繁澌咽草

澌從草際流條條如亂線踏草欲尋源亂流隱不見

盛暑凝寒

入林不知暑看山不知足滿口嚙寒雲吞將山水綠

清宵鳴籟

夜深山月黑鳴籟生空林松濤雜蟲響一一清我心

曉霧初收

一氣磅礴來鳥鳴山不見朝曦出霧中山忽開生面

夕陽返照

落日遠山明近山俱欲黑惟餘樹杪紅點點焉支色

春風逗芳

風來山花開風過山花落山意欲爭妍常與春風約

夏雨觀瀑

雨裏好看山山亂入雲瀑布雲中下忽將山翠分

秋霜染葉

北地江楓少經霜頓蕭瑟獨愛此山紅衆山俱不及

冬雪封林

山中一夜雪枯樹盡開花疑入孤山路來尋處士家

武鄉新志

卷之四

藝文

五七

龍洞山禱山紀行

禱雨來東山前途素不識夜發土河村囊橐各攜食土人作前導入谷路轉側行行四五里攀躋共努力漸覺置身高凌風生羽翼欲看山外山月黑渺難測

行久山日吐瞥見山色濃道右山翠滴道左山花紅左右互換形奇壑間奇峯峯迴路百轉應接難從容纔下山腰去歷級又千重巒石成危梯雲霄有路從連度兩崇山東望清濛濛

山鳥語留人小憩依絕壁古廟臨其前焚香磬一擊壁上穴亂穿石溜時滴瀝心意此靈境龍湫或可覓誰知層梯下雲徑猶未歷

隔徑一峯起插天如劍鋏登峰競造極坡陡難著屨山面迎人面人身山緊貼異草雜奇花連雲五色巒一仰一目炫一步一疲茶雲巔有盤石坐臥俱妥帖方幸可平眺轉步汗流頰竟似騎空走罡風生獵獵俯視人壓人踵與肩相接股栗不敢下同行盡膽懾

下山入山腹紆徐穿小竇出竇降深巖洞開面雲岫風雷震神龍古蹟傳聞舊

焦龍神唐
賜號風雷

將軍俗傳
蛟背派中

中有不測淵千年噴寒溜逼視畏陰森深黑難底究嚮導選壯夫裝緜束衣袖
乘火相掖入隱隱聞雷吼入時掖者連聲
大呼後遂不開旁觀為戰競羅拜敬守候踰時始見出默感神靈
佑

離洞束歸裝問途途迴殊來時為謁廟取道不嫌迂歸時尋捷徑穿石披榛蕪仰觀一
線天鬱悶何縈紆林壑轉復轉南旋北折徂山岬途更奇攀躍相提扶三面匪崔嵬一
面僅容軀來疑人入甕去如鼠窺窬重重難出險勇往同賈餘

石磴忽盤旋蹀躞可穩步小木護磴旁不復慮岐誤山脊一回望疑雲復疑霧蒼茫路
不分指點山已暮

迤邐下山麓遠遠前村列近視見土河方知還故轍夜靜投人宿回頭思瑣屑此行名
取雨未知本何說上人傳為取雨輒
應遂成不易之俗炎天冒深險艱苦身備閱卻幸不虛還探奇得洞穴聊

作紀行詩沿途寫曲折

南關道中

前人

高低蟠曲磴穿石入雲根徑轉乾坤仄溪喧日月昏幽并連北轍澤潞接南轅谷口當

武鄉新志

卷之四 藝文

五八

衝要朝朝馬足奔

一水迴還渡山多路易窮危巖頭上壓斷岸足邊空高鳥飛難度單車轍不通可憐宋
君相坐失此關雄金粘沒喝過此歎曰關險如此
前使我過之南宋可謂無人

山村依石罅地僻耦耕荒欵客兼牛酒沿途絕稻梁馬嘶通驛路人語雜殊方陰雨連
天苦邊愁攪客腸

北郭懷古

有石勒
故宮

前人

鉄騎凋零草木蘇千秋政聖想英謨羞同魏昔孤爭媚竊比高光鹿並驅鞞嶺雲消雄
畧渺漳濤風湧嘯聲巖故宮此日遺龍種百尺蒼松曠代無

烈婦詩效盤中體

有叙

前人

烈婦氏李歸土河魏宋子魏子死於樵烈婦歸審母家聞之啼泣而至給其姊
導往天死處投崖殉焉前令王樂山先生題詩勒石紀其事

土河村山突兀數十年傳婦烈詢姓氏題石碣農家女嫁樵客年十五初結髮夫墮崖
生死別婦聞之淚流矧母家來氣百結偕阿姊登陴吼猿啼哀鳥飛絕百尋崖一縷血

俯深谷幽明隔足雙躍下千尺芳魂離芳體裂從泉路覓夫魄不同室願同穴山皆紅
心獨白彼丈夫生俱沒此女子死不滅

過爛柯山

前人

不識爛柯處今從山畔遊仙杵長在望塵世幾回頭名利終成夢蓬瀛未可求光陰如
過客轉瞬又千秋

任山交前案相傳本無定處但茲山有圓石徑五六尺如棋枰形下承土柱為丈餘皆自天成亦可異

暮春遊南山

前人

仄仄芒鞋印淺沙漳濱南去訪煙霞溪邊峯抱行疑窘洞裏雲開望轉賒滿谷芳菲春
景暮半山樓閣夕陽斜暫停紅杏離披處隨意衝杯坐落花

與來選勝到巖前佛劫曾遭世屢遷絕壁捫蘿多古蹟靈泉甃石自何年每從苔洞求
麟趾

山有同名麟趾求嗣者踵接焉

偶傍松陰伴鶴眠幾輩看山山不厭花開花落總悠然

佛寺有禪帳低龍爪槐

萬木叢中殿閣重幽探到處豁心胸香浮蓮坐時參佛雲繞槐柯欲化龍

籠紅芍藥經樓高敞碧芙蓉回頭咫尺塵緣隔猶喜驛山對面逢

武鄉新志 卷之四 藝文

五九

如畫曲曲傳花路易迷忽聽晚鐘催月上仍尋樵徑過招提

初秋偶過南山山僧留宿夜遊達旦折屐歸來牀頭成詠

前人

常向南山遊未向南山宿日暮山逾靜看山苦不足山僧知我心宿我雲間屋我留為
夜遊披星當秉燭暗泉流苔徑屢屢阻幽躅不辨路高低但覺步窘蹙山阿如有人近
視雜林木林鳥寂無聲高下蟲聲續坐久月初上林泉多蘊蓄魄映沼生珠輝含石韞
玉玲瓏樹留影滿地花攢簇樓閣涵空虛遙聞羽衣曲

崂山寺演劇

直欲清我心非徒娛耳目

遊罷臥雲端窗中月可掬月落起開門曉色生寒綠羣壑隱霧深諸峯入雲禿迴憶昨
宵遊妙在不重複移時雲霧斂山頭紅吐旭掩映數株松新開圖半幅戀戀不忍歸歸
途轉迫促折屐竟成憂到家依牀辱

歸途足疾

人笑我何过我笑人何俗俗病最難醫那知

潛林麓

南亭煙雨

白建中

淡煙疎雨間斜陽成屢回南亭極目望楊柳陰濃添晚翠樓臺隱約近昏黃山光入郭
千般活水色連天一味涼好景迷離堪入畫誰攄妙筆比長康

暮春遊南山

魏懸書

春深花滿洞中天畫裏樓臺入望懸衆岫森羅香閣外雙松對秀玉階前趾探麟洞爭
度禱爪攫龍槐欲怒騫稔識此山多勝概偕來吟眺樂盤旋
興盡呼朋笑語親春風歸詠樂天真喃喃語燕疑留客片片飛花解送人絕壑殘霞餘
古樹平沙落日渡前津到門明月來相候檢點詩囊喚酒頻

答邑侯岳方亭先生

前人

出岫雲爲飢所招偶談近况欲聲銷師儒薄俗成卑賤潦倒書生自暮朝舊雨長懷烟
漠漠家山短夢夜迢迢爾來明府遙相慰一段慈雲破寂寥

崇城即景偶成

李照

偶遇崇城霧入林迷舊路但聞鳥亂啼不辨山河處
偶聽崇城雷一震萬山開少頃驚心定纔知山未頽
偶坐崇城晚月來山更遠隨月過山腰熟認知僧返
偶臥崇城曉枕畔聞啼鳥但恐開窗遲窗前白雲少

武鄉新志

卷之四

藝文

六十

南山遊罷小坐觀瀾閣口號

程世綸

離山更覺山光好山裏看山未見山步出茂林纔數武疑從天外仰雲鬢
忘卻觀瀾題閣上回頭幾度望林巒坐來忽見留題在要把溪山兩面看

喜城工落成恭頌方亭夫子德政

范銳

叢爾雷封小郎官作保障荒墟勞補築廢紀儘更張先世長城倚垂名史策芳雄師清
海甸豹畧震遐方曾荷西樞職頻叨北闕光榮旌繫帶錫寶篋御書藏彪虎遵壇坫麒
麟繪廟廊朝猷追武穆册謚美勤襄岳大將軍謚襄勤公之先人襲爵茅分土趨庭芻滿牀一門森列戟

累代擁封疆武烈頹山岳文光逼斗芒蘭芽科第續蕊榜姓名彰舊路瀛洲紀先聲翰
苑揚偉詞標玉署寵命接銅章公以翰林改知縣報國心何切治民任獨當偶來棲枳棘暫爾屈

鸞鳳山縣濃花發沙壙蔓草荒巡行勤鞠育環顧屢徬徨募衆情周洽明農業不妨絃
歌千戶暇簪鼓一時忙樂利歡爭舞捐廉義首倡堂廉垂永晝野杵亂斜陽兩載鳩工
集重闌雉堞長雲圍連堡寨水郭固金湯閣聳霞披檻樓成雀賀梁烽堆排戍櫓樹杪
露牙牆結構神功妙經營意匠良勳堪俸李勣政已邁張魴擊柝星臨戶鳴琴月到堂

口碑留古道頌譜疊仙鄉久託冰壺照曾教玉尺量會開局課士春風薰最普冬日愛難忘絳
帳師同奉藩垣守預防公言皆勒石私祝漫焚香欲和詩千首重稱酒一觴續貂慚拾
唾詠鳳勉搜腸望重欽鞞岫風流溯曲漳恩膏遺樸械德蔭媿甘棠聊試牛刀割終期
驥足驤封侯縣世胄柱石賴今皇

晚遊南堂

陳祝彭

野渡亂斜陽來探大佛場背山松繞徑面水柳遮廊北郭炊煙淡西園暮色蒼

廟在城南西一帶皆

園何如方丈地隱性獨清涼

南關道中

前人

陰壑連朝暗晴嵐一望新雲開山出岫雨過水迷津說險方驚鬼疑途畏問人雄心期
報國叱馭竟忘身探差至此

十景詞

程步堂

鞞山簪翠

空翠著層巒秀色堪餐望來渾有畫來難近視不知何處所只好遙看終古恁回環

武鄉新志卷之四藝文

六一

無始無端峨峨不是兩煙鬢贏得嵐光常滿郭城挂鞞山

漳水回瀾

出郭歎汪洋云是清漳波瀾壯湧亂流狂頓使漣漪成激湍一片寒光望處總蒼茫
浩浩湯湯如斯逝者爲誰忙惹得漁人誇自在曲奏滄浪

南亭煙雨

小雨潤無聲霧淡煙輕樓臺上下不分明何處酒家籬半掩老屋斜橫綠野有人耕
嶺角雲生問誰破傘手中擎定是尋詩猶未就策蹇行行

北漳夜月

漳水日悠悠浪拍天浮波心滾出水晶毬望裏光芒還四射照徹清秋回首更凝眸
道院深幽亭亭雙檜翠雲流何處鐘聲飛入耳月滿蘆洲

東沼風荷

小渚傍巖阿水淺花多遊魚上下總隨波陡起輕風三五兩擺動新荷綽約竟如何
偏反阿那嬌羞那慣恁消磨鎮日池邊攜酒醉愛爾婆婆

南山錦浪

木葉半含霜菊綻花黃拋米碎錦滿山壯暈紫添紅爭絢爛疑是霞光 樹杪淡斜陽
石徑荒涼秋深山色果如妝回晚停車看不足遠上高岡

龍洞靈湫

石洞小而幽中有靈湫閉來勝地獨勾留那得清光常若此謂有源頭 山險暮雲稠
欲斷還流濺濺瀉出碧如油化作甘霖千萬點潤我田疇

皋狼牧雨

雲氣盪虛空山色鴻濛倒騎牛背任西東短笛無腔時一弄笑雜樵童 十里杏花紅
罨畫偏工簑衣弱笠舊家風遙指踏青人未返屐半泥融

崇城巖險

老氣填乾坤雨脈雲根峻峭疎處未堪尊笑爾諸峯環左右貌若兒孫 何必洗頭盆
險比龍門神工鬼斧削無痕絕頂河山憑一覽日射朝暉

故城都會

武鄉新志

卷之四

藝文

六一

極目望平原車馬喧喧無情涇水任潺湲流盡古今興廢事剩有城垣 笑語雜人言

市井田園河山鞏固晉陽藩共說皋狼名勝地風日晴暄

孝廉方正桓一范徵君輓詞

前人

嗚呼身歸佛國魂返仙鄉境有人情無睽隔吐珠玉以遺人詩堪壽世繡鴛鴦而度我
交是忘年方謂鄉登里選定邀金幣之徵何圖木壞山頽遽赴玉樓之召彌留往日悔
一面兮無緣決絕今朝帳三生兮永別所幸者吟風嘯月廣陵散猶在人間堪嗟者白
馬素車范巨卿反辭塵世求反無聲絕鶯鳴於此日忠君有淚邀鶴駕以何年

又輓詩一首

前人

憂玉鏗金數十年今朝永斷日牙絃證明因果方成佛解脫塵凡便是仙海上有龜留
白傳人間無地住青蓮月山舊日尋梅老想趁梅開返洞天

和明府柳漁湖黃山苔字歌

有序

籍文學

龍溪柳漁湖來署武鄉言銅山有名儒黃石齋祖塋地近某姓欲潛削營葬會
瑩石苔紋蔓延作字其文曰黃山又曰黃界一則楷書一則似飛白書也其單

作黃字者又八九處落落碁置如畫界然漁湖曾親往觀之因出所作歌俾廣布傳聞以爲窺伺者警捧讀之餘率成里句殿屬和諸公後焉

造物彰輝司其權假手萬彙爲言詮呵護海隅一抔土不隨蔓草零荒烟也似高山有神洞蘇書四字文蟬聯我聞駭異轉嘆息畢竟大賢能格天明季偉人黃石齋文章忠孝當身肩抗疏直諫憂時事欲挽狂瀾轉坤乾當日勳名垂宇宙銅山之陰妥其先蠡爾愚民何貪昧陰圖卜葬侵牛眠山靈不敢褻職守廻風雲旗來翩翩連夜訴公公訴帝持勅大筆揮如椽瑩後書黃山石厚而苔圓瑩前書黃界苔疎而石堅疎者碧苔如散髮凶者黃苔如連錢其餘一一添欵識畫疆絕界無牽連爾時瀕海有居民爭先快覩萬口傳薊江柳公風騷主探奇親陟山之巔初疑蒼龍踞石上爪痕深入勢蜿蜒又疑六丁施鬼斧大書篆額爲雕鐫摩挲石骨觸手滑土花細繡痕芊芊乃作長歌紀其實要將此事垂千年吁嗟乎曰楊蕭蕭松栢摧今人古墓犁爲田惟有正氣還天地斜陽宿草長綿延年年春雨苔痕長此地陵谷無變遷

六月五日大雨

前人

武鄉新志

卷之四 藝文

六二

歲旱癡龍失其職原田龜裂農心惻卓午炎蒸汗雨揮乍觀西山雲墨色作雨不雨未可知引領望之徒惶惑陡然一陣天風來吹送雲頭生羽翼雷轟電掣山岳搖迷茫雨氣漫空塞急點墮地聲鏗然直穿牕紙來硯北須叟萬壑笙鐘酣倒盆傾出人驚匿初疑海上鬪蛟龍駭浪奔濤翻澤國又疑天公抉銀河長潢下注淹八極當門簷溜直如繩棲身真在水晶域蚊蝨蒼蠅溼不飛一洗炎囂快胸臆樹頭忽閃夕陽紅斂却神功歸靜默童叟歡呼田夫歌佇看今秋收稼穡

贈程介山先生

前人

家學淵源有正聲崑崙之後見先生長才未合山林老大雅終成著作名文壽棗梨留古筆詩吟花鳥寄間情巍然一殿靈光在前輩風流重武城

贈范桓一徵君

前人

市塵飛不到庭阿石竹齋中稱嘯歌好句每從遊覽得同儕定又唱酬多謙光可挹誰能似情話相招我屢過一事尤堪徵古詎代人刊稿費搜羅

君近選南亭詩鈔

宿嶺上

前人

暮雨隨客來茅店聲清徹向曉寒襲人開戶滿山雪

履端張先生邀同人賞菊

魏簡書

籬邊小集又傾觴秋菊翩翩月轉廊莫道疎枝羞艷冶由來傲骨不炎涼名心未了風霜後晚節能留天地長佳色終須佳士賞緣教盛會入詩囊

三和履端兄原韻

前人

酌唱辛勤欲暮天又裁佳製列尊前三番領畧春風意一樣清新秋水篇白雪難賡頻擊節青雲得伴許隨肩多情作合緣如海指點鵬程快着鞭

前題

魏獻書

三試騷壇志益堅肯教祖述着鞭先主人屢款裁新賦有客頻催奪錦筵自古清文推白雪從來高選屬青錢龍門此會誰增價莫道東山臥十年

和履端三兄賓興韻

前人

一舉成名天下知青雲有路約佳期應劉才調真難匹稽呂交情最合宜染翰纔矜鸚鵡賦拈毫直奪鳳凰池遙思此後重相會應是成龍變虎時

武鄉新志

卷之四

藝文

六四

庚戌四月北上晚宿蟠龍

王先瀛

登龍期任進首宿蟠龍鎮行行日已昏邸舍烟中認逐月親朋來殷勤相問訊話別夜燈闌前途屢戒慎去去謁帝京心遠路非近

慕嶺山行

前人

素聞此山高且嶷平生恨未親攀陟問途經過石門東潤水潑洄峯巔劣步步引人入其深林麓微茫橫一色懸崖幽邃少人行鴉陣羊羣添粉墨行行卓午陟山巔胸盪層雲風測測西望鄉關眼底收東望畫屏羅一幅楓林佛髻絢丹青雨後嵐光清若拭俯首下視十八盤嶽崎逼仄心胆寒曳袂牽衣碍蘿棘趨起不進足盤桓馬行如蠅穿珠曲躑躅蹄聲磬空谷前驅石徑復崎嶇轉盼深山日已夕回頭仍在亂山中傍晚不知何處宿因怪山奇路亦奇果否谿徑何年闢

宿彭庄山店

前人

荒村投宿夕陽時傍晚看山山更奇戶外一峯尖似筆當頭寫出畫中詩
冬至後二日子蕃夢嵩兩駕部相携來訪適余外出得信馳歸盤桓二日各抒所

懷別後賦此却寄 七律四章

魏高陽

遙聞深巷駐雙旌，輾轉無眠夜向晨。失候定嫌情少闕，遲歸翻恐意難申。同爲風雪清狂客，共厲冰霜閱歷身。此會初心思不到，偏教公等作闕民。有約借來獨後期，相逢真足慰相思。早教近市沾春酒，深喜連床說舊詩。爾汝忘形徵道合，人生結納貴心知。自憐才薄難爲用，敢怨秋風不遇時。心緒茫茫萬種牽，復聞潢海尚烽煙。明時檠戟終勦賊，頻歲干戈可奈天地接。溪山容我懶班隨，鸚鵡讓君賢。江湖魏闕同求是，莫共逍遙作散仙。跛脚科頭坐北窗，連朝把盞與飛揚。不圖聚首纔三日，忽又分襟各一方。律管生春泥滑滑，千山養臘樹蒼蒼。應知好句途中得，歸去全家有和章。

松齋廣文以詩大招同門依韻奉贈一首

前人

吾邑老文衡，河汾舊有名。詩追唐代盛，言比晉人清。大筆思提倡，同門許載賡。嗜痂余久癖，一見倍關情。

范桓一先生囑題踏雪尋梅小照

前人

武鄉新志 卷之四 藝文

六五

鍊就吟身總自如，思春隔世見真吾。欣逢托月烘雲手，快寫尋梅踏雪圖。瘦影寒光終

古共先生自註 瘦寒吟更詩情畫意近時無圖下有自題 五古一章襄陽去後惟君繼，一樣風流兩不孤。

桓一先生見余舊作略加刪改且將以詩奉酬四絕句 前人

山村寂寂客寥寥，悶極孤吟一拈毫。自信羊皮難飾豹，疵多原不待吹毛。枉說青雲早得梯，目盲猶不辨東西。婆心誰似如來佛，肯向勞人一指迷。也思脫稿再沈吟，其奈推敲懶用心。我服先生真慧眼，一言道破足知音。盥讀新詩獎不才，感慚交集屢徘徊。枯腸再索還同戲，好句何曾夢得來。

上吳書年明府 魏亮生

銀章簡授自燕京，蒞宰予鄉化育新一段。慈雲迎浙水，滿腔膏雨潤漳濱。冰壺玉尺證清廉，共仰琴堂吏若仙。劇喜王喬年鼎盛，操刀連最好烹鮮。虛堂懸鏡照無邊，兩袖清風拂案前。側耳歡聲騰四野，爭呼生佛萬家緣。循良奏績已經年，棠蔭人稱召伯賢。我願福星垂永住，武城長此戴青天。遺愛堪爲百代箴，南亭四野盡棠蔭。漳干不斷迴瀾水，都是黎民口角津。

果然有脚自春生耳聽絃歌治武城今日牛刀聊小試他年麟閣繪公名

登千佛塔

前人

久負凌霄志登高境愈奇仰觀臨日月俯視小城池眼界開千里胸懷暢一時青雲欣得路雁塔快名題

趙王墓

前人

石趙英雄過眼空徒將伯業悼秋風牧兒誰下銅駝淚父老能言鐵騎雄鄴郡故宮漳水外榆州荒草夕陽中夜埋山骨誰知曉賸有鴉啼古木叢

遊離相寺

前人

古寺臨山曲行行納晚涼一犁梅子雨滿院棗花香謁佛旛拖紫翻經字射黃清幽真福地不減白雲鄉

讀晴峰禪師詩集跋後

前人

捧讀鴻裁愜素懷頻將巨口爲君開直成一代風騷手獨擅千秋著作才春到人間花怒發風迴海上浪爭排懷予纔線才抽短也向班門弄斧來

武鄉新志卷之四 藝文

大聲疑捲怒濤來愈我頭風一卷開直使天驚真快事能遭人忌是奇才異書讀盡讐秦政凡馬搜空愛郭隗十二瓊樓無定所神仙何必住蓬萊

送邑侯李若仙夫子調署臨汾

李華炳

仕學兼優仰典型符分百里駐南亭衡文何幸逢宗匠撫字真堪頌福星光耀冰壺心可白材收樗櫟眼垂青公下車即招致諸生入署肄業余首蒙拔取書院月課屢蒙取列第一金鍼不惜頻相度爲繡鴛鴦未肯停

公示諸生有蟾宮捷徑皆爲文之法

樓臺一樣月溶溶光彩先因近水逢敢以識韓誇倚馬余已丑鄉試卷出韓二州夫子房幸緣御李獲登龍

余從公受業是科即領鄉荐春風滿座和光遠夏屋千間暖意濃借問古人誰得似文翁守蜀共芳蹤

德政覃敷涇水漬樹人樹木更殷勤公議村鎮立義學並分廣栽樹木憐才雅望蟾宮步公大堂春聯有但願南亭諸士多折得桂枝來句

留別詩中亦道及校士頻將鶴俸分署中肄業膏火之費皆公所給月課獎賞甚厚循吏儒林宜合傳詩才文筆並超羣武城已

治絃歌化深柳堂中誦典墳

焜耀文星照上台天恩遙向日邊來靈鳥暫作一枝借良驥原非百里才姑射山在臨汾縣

高添別恨河陽花好待新栽教言再領知何日暗卜著龜仔細推

讀文章遊戲載有此體詩數十首亦詩人集句例也其妙處更如天造地設令人解頤乞兒謔笑天籟自鳴詩人篇章老嫗都解文人之筆固無不可也因戲仿其體得絕句十章五律六章

十年身到鳳凰池一舉成名天下知命裏有時終須有只爭來早與來遲公門裡面好修行半積陰功半養身行得好心有好報皇天不昧苦功人三日黃沙九日晴輩輩鷄兒輩輩鳴孝順還生孝順子前人開路後人行一輩不管兩輩事樹留技葉草留根人家養兒防備老養兒方知父母恩得高歌處且高調話不投機半句多瓦礫不離井上破惡人自有惡人磨惡語傷人六月寒隔層肚皮隔層山是非祇爲多開口開口容易合口難

未可全拋一片心大樹底下好遮陰一分精神一分福一寸光陰一寸金飽人不覺飢人餓大家馬兒大家騎穿衣吃飯量家道莫待無時思有時有米有麵好夫妻色不迷人自迷貪花不滿三十歲得便宜是失便宜

武鄉新志

卷之四

藝文

六七

忙有工夫急有錢清平便是活神仙人生有酒須當醉人老何曾再少年書內有黃金文章可立身嚴工出巧匠薄地傍肥隣單怕貨比貨難爲人上人養兒早得志息氣養精神

世事爲誰忙事頭莫可當罵人休揭短待客要風光命好心也好人長天也長禮輕仁義重佛受一爐香

沒雨怨東風早晚一作功事從根上起人怕老來窮運有十年旺花無百日紅小小不努力終是一場空

隨口打哇哇吃酒又待茶吃虧真是福爭氣不養家踏漢看黃曆啞叭吃苦瓜人情莫足境何怕浪淘沙

拳大肱膊粗一壯當百虛醜人多作怪好事不如無捨命陪君子無毒不丈夫本是黃土寨認成夜明珠

出門時時難人心都一般三年不開市一笑來詩攤每天吃三頓沒棗也一杆抓抓詩兩首莫作等閒看

上張明府二十韻

明府名嘉嶺字幹臣直隸武清人光緒二十九年五月初蒞任視事六日即下鄉詢問民間利弊

張青藜

武鄉真樂土新來張明府接篆未一旬下鄉問疾苦儀從兩三人前趨無鹵簿不矜煊
赫威一心在安撫山村至石門士庶胥忭舞路狹甚崎嶇山高擬响屨肩輿不能行明
府輒步武胼胝何勞瘁計里十有五洪鎮閱義倉兼詢如行戶興利與除弊時時結肺
腑絲毫不累民供饋皆自取出城至回城民俱愛慶安堵允矣古循良杜母兼召父編
氓從此後託庇仁人宇合東西朔南徧士農工賈不日頌聲作德洋與恩普實心行實
政不愧民之主定教卜大同夫豈云小補歡欣俚語歌非痛疾喚咐一旦卓異陸應如
失恃怙

石勒寨懷古

前人

名寨猶增涅水光屯兵勝地草流芳每從瞻眺登臨日緬想英雄射獵場遺跡南亭傳
石趙甘心北面祇高皇書中得失聽來曉自古聰明總帝王

武侯祠懷古

前人

先生未出草廬時成算分明早自知六伐七擒非得已鞠躬盡瘁合如斯公才十倍原

武鄉新志 卷之四 藝文

六八

無匹天意三分定不移披讀出師前後表今人惆悵武鄉祠

過昭澤王廟

李壬林

寶籙祥符迹最靈此山何日建王廷南臨幽澗看龍洞北枕懸崖樹石屏大峽雲歸室
生白晴天雨齊岫紆青入門瞻拜微躬肅無那行踪不暫停

仿元遺山論詩絕句論南亭詩人

李壬林

詩文卓卓冠吾鄉誰似公能兩擅長但恐南亭詩草出鮮知自課大文章

程康莊先生崇順乙亥秋貢幽初舉

山林隱逸尚書啓南孫著自課室文集官鎮江通判

翩翩公子是神童詩句誠佳畫亦工天寶亂離躬閱歷商州畫景在詩中

魏駟先生順治甲午拔貢中丞光緒

公子著草中吟

縱橫奇肆趙橫州俊逸天才孰與儔無怪漁洋詩話裡也將佳句細尋搜

趙三麒先生順治戊子拔貢官橫州

知州五經進士天麒先生之弟

詩懷冲澹數坦夫題徧南亭八老圖就裡雄奇張仲蔚詩鈔何事一詩無

岳卿造句最清新隸事偏能筆底真小歇吟雖不多見送行一曲已驚人

趙偉品先生順治丁酉舉人

但知此老有詩腸誰信東山有秘藏可惜遺編難采訪於今僅見觀文堂魏倫先生乾隆壬戌明乾通著作極

夥今但有觀文堂文稿行世

學佛學仙老隱君旃檀鎮日滿爐焚詩情自寄匡廬頂歸臥東山看白雲史崧元生諸生介山文編有東老田

隱君傳道之最詳

科名最重玉堂仙氣體高華出語鮮應製尤多華貴語此風不見已多年李端先生嘉慶翰林

吟詩胆大酒腸寬詩酒傳家古所難似到齊東觀海後許多奇氣集毫端趙先生擴乾隆乙酉舉人官榮城知縣

胸懷淹博富蒐羅詳考輿圖力辨訛詩似黃金雖些子偏沾善價值多多魏先生鸞朝乾隆己亥經元

寄情詩酒與雙酣愛把瓣香祝劍南一自名言驚太史銅鞮雪夜暢清談趙先生昌業道光癸未恩貢擴公長

筆底鋒鋩似剪刀或言才氣近粗毫文編以外驚隣草城上狂歌唱獨高程先生林宗嘉慶癸酉拔貢

趙家父子似眉山山賦轍齊名更一般獨惜乃兄多困頓一枝丹桂弟能攀趙先生昌祚嘉慶己卯科舉人擴公

使才磊落筆淋漓摩詰胸中長有詩說到十分真刻處不輸酷吏判囚時王先生夢聘道光乙酉拔貢

武鄉新志 卷之四 藝文

一篇詠史盡新聲一部詩鈔半品評最是晚來工八韻至今猶重魏長城魏先生守經道光壬辰亞魁

開拓心胸上太行尋詩終日負詩囊騷壇不有斯人主試問前賢孰表揚范先生士德生員同治壬戌孝廉方

正南亭詩鈔捐貨刻成

健筆如椽隻手持詩人兼善古文詞風流真數烏衣巷果是羲之有獻之王先生時咸豐辛酉拔貢夢聘公子

叔衡太史賢婿館假榮歸緣余賤恙親來候訊相見之餘驚善交至積旬沈疴頓

覺豁然走筆奉寄誌喜兼誌感也叔衡遠郡翰林劉秉鈞字也 張錦心

記從春晏集瓊林望眼頻穿直到今祇悵老夫難再見忽逢賢婿得重臨芻薪微恙欣都慰宗祏增輝感不禁最喜清華推翰苑頭銜真不點塵侵

燈宇連霄結彩光應知吉曜賞山莊果然寒士開花徑恰得名賢到玉堂聲望已成欽

北斗材華仍共說東床留賓我願希投轄快傾平原十日觴

前題七絕

前人

高軒聞說過蒿萊佳信傳將望眼開牀第沈綿欣坐起兒童競說翰林來

溪轉峯回地自偏孤村希駐玉堂仙溯從虎谷過萊今屈指於今四百年

梅雪豐標鶴影清冲和器宇四筵傾快將玉尺持裁鑿冠字原來是叔衡

鞞山書院留別

前人

頻年仙吏具書迎如此為師亦自榮敢謂津梁諸後學虛煩俎豆一先生感經奪席多
般計孤負攀轅一片情舊館不須回首望歸途高調唱行行

談詩論藝幾經秋相得師徒分義優美蔭栽成桃李樹狂風吹斷木蘭舟臨流誰賦公
無渡贈別偏貽王不留珍重諸生驪唱意也須撰杖作重遊

年來設帳遍西東踪跡飄零類轉蓬門戶依人叨夏庇才名憐我誤冬烘堪驚韶景春
難駐猶冀朝霞晚更紅惆悵脩金經卅載囊錢依舊嘆空空

痛吸食鴉片者

馮瀚清

離離罌粟滿平田流毒軍民劇可憐到底人非金石質分明鬼魅現燈前
也從子夜續燈光罌粟翻同桂子香盡道書生黃瘦了誰知不是為文章
膏粱弟子不知愁徹夜燈光動玉樓日過八甄人未起朝朝似有采薪憂

李二酉先生來館值余他適留詩以訂再來謹依原韻以答之

王全珍

武鄉新志 卷之四 藝文

七十

萍踪難定步山谿小館初開曲柳溪時設館曲柳溪不識先生今日到寒酸歸去顧號啼

雲樹沉沉信暮春窗前結想憶高人漳濱一路清風順玉趾重來作主賓

連牀話別小陽天道數光陰已隔年今日來時雖不遇留詩總是宿多緣

幽齋獨坐意徘徊忽見兄詩境嶂開春日暫成桃李會秋風定折桂枝來

論文絕句

程紹琦

文章自古判高低品格難將一槩齊若不先明門戶異總教讀盡也癡迷

學士銅琶莫比倫柳郎風月也怡神人人各有廬山面何事東施假笑顰

文章妙處性靈生何事沿門托鉢成徒讀遺書非善將從心用運見奇兵

金鐘委地誠難響玉磬懸空始有聲物性由來嫌占實虛零粉碎足移情

春風鳥語百花香雲繞青山月轉廊祇要人心能管領世間何處不文章

脈絡分明骨韻清渾如水到即渠成任教法有千般妙熟後誰言巧不生

興會淋漓識見高情來議論更滔滔明如天際中秋月思似江邊半夜潮

酒中覓稻原無稻蜜裏尋花不見花釀得精華成至味文章到此又何加

梅態清腴桃綽約牡丹富麗足繁華天然風趣翩翩好悟到文章也是花
紅塵意念淡閒心一樣琴絃兩樣音閱到人情明世故文章真際不難尋

登曠然樓

郝鏡堂

表裏山河壯奇觀豁遠眸直將三晉景都繪小樓頭鞞聳千重翠漳橫一帶流曠然何
不曠儘日樂哉遊

權店道中

前人

僕僕歸途急揮鞭送夕陽功名徒自誤道路爲誰忙石澗泉飛白山岩葉落黃風光饒
野趣知是我家鄉

南關早行

前人

老僕催裝急出關星在天路生難策蹇手冷嬾攜鞭石氣含朝露溪聲激夜泉行行十
數里猶見宿嵐煙

孝弟和睦四字歌

程先民

父母恩侔天地出入顧復靡弗至生前奉養得雞豚勝列祭奠推牛備嗚呼試讀蓼莪

武鄉新志

卷之四

藝文

七一

詩罔極之報無窮期

閱於墻猶禦侮每有良朋棄如土世態炎涼從古說翻手作雲覆手雨嗚呼試誦常棣
篇死喪急難關心田

女子嫁已從夫百般苦樂皆由吾富貴之家猶自可糟糠之妻甘糲粗嗚呼試觀谷風
句中道棄捐何不顧

宗族繁本則一其初皆自一人出有無相通相調濟患難須扶須憐恤嗚呼禮有任恤
言水木誰可忘根源

夜宿南關鎮雜感詩

前人

前途日落近黃昏炯樹依稀認遠村星滿寒溪橋映水月明野店客敲門煮來白粥腸
堪飽坐對紅爐手自溫如此淒涼來甚晚主人嘖嘖共談論

殘燈明滅冷風吹脫却綿袍體自披枕畔往來知有鼠衾中瑟縮凍如龜那堪孤館淒
清夜尙是鄉關夢憶時月色滿窗寒類鉄喃喃口裡又吟詩

何處客人欲曉行起來相對飯三更一肩行李挑將去四壁寒燈空自明屢聽僕夫嫌

夜冷暫歌短枕待雞鳴途中無限淒涼苦每到尋思夢亦驚
望斷家鄉未易歸恨難插翅向天飛不知世上星雙苦俯視人間道路微國號飛輪高
十丈身棲若木大千圍餐風飲露蓬萊頂但願來生意莫違

南關自古號嚴關何故金人過是間騎虜長驅從此下翠翠急去竟難還南朝天子終
爲小北地詐臣敢抗顏師道曾思河上扼忠言不用淚空潛

一介書生匹馬過淒涼情事感偏多興亡自古關天數歲月於今指逝波蝸角困爭終
已矣駒光急去奈如何不如對景聯行樂處處吟詩步步歌

遊權店北寺

魏錫鈞

僻境名山古寺森參天蔽日昔年林煙嵐瑞氣人心靜獅象蓮花佛座臨世外乾坤雙
眼闔壺中日月半生忱徘徊高柳羣峯外樹裏遙聞漢水音

欄柯山

前人

數仞峯巒色映斑煙嵐擁護翠林攀當年一局羣仙會此日指名一座山

和長城先生四景詩

前人

武鄉新志

卷之四 藝文

七二

翠陌紅橋景色新馬蹄踏盡洛陽春三千世界繁華徧多少湖隄錦繡勻好鳥名花都
似友青山綠水共爲隣長安古道休回首萬里河山觸目陳

楊柳陰濃夏月天樓臺掩映百花連魚遊碧弄清豁口草發紅鋪兩岸邊棹放滄浪聲
數曲鋤歸晚飯月初圓薰風拂至沙場堰擬向清松伴鶴眠

蕭蕭楓葉樹林秋白露爲霜萬籟幽雁斷衡陽聲寂寂蟬聞小院語悠悠紅殘惜葉詞
難寫花着寒梅菊傲留看到蟾宮斜漢轉金風拂動桂枝頭

松柏林開衆卉空光陰運轉又嚴冬蘇翁馬上貂裘暖謝女門前柳絮封雪擁藍關難
過馬梅繁峻嶺慣尋蹤推窗一望寒山白冷壓蘆花徧地豐

讀家士奇詩

前人

一枝仙筆冠羣英文彩風流夙著名惠我佳章三百首未曾展讀已傾心
萬丈光芒筆底來江花早向夢中開定將仙句霓裳詠文字居然翰院才
嘖嘖才名衆口傳拈來好句耐人看入時舉止爭新樣愧我邯鄲學步難
得句先登李杜壇毫端清拂氣如蘭絕無半點塵埃色心似湖光鏡影寬

聞樸菴李先生將赴都時曾賦留別詩一首同事各教員以及諸同人屬和者不少余因在家皆未之見昨晚散步間階偶聞蕭生師儉等語及不禁有觸鄙懷也
夫籍荒蕪此調不彈久矣今勉從衆仍步原韻俚詞續貂知不免爲大雅所嗤也

曹錦

多才絕不費經營雜誦瑤章劇有情愧我無能徒墨守如君豈第以詩鳴方欣同學沾時雨忽被遙天送晚晴此去皇都襄盛治他年萬化譜由庚

送郝元忠赴鄉試遇雨

前人

微雨蕭疎遂遠行茫茫天意似關情祇因藝苑將鏖戰故爲先生預洗兵
三載賓興爲得人聖朝切切用儒珍如君不但文華國令我兼思德潤身萬里雲程方發軔一天烟雨早清塵臨行特贈無他物疊獻花箋當酒緝

邑侯李若仙夫子以留別詩六首見示謹依韻奉和

前人

出水蓮花不染塵偏教著手自成春風光霽月渾超俗百里暫時寄此身
話及功名酒醉詩從來天道信難知先生三晉文章伯不許枝上借一枝

武鄉新志 卷之四 藝文

七二

秦鏡高懸分外明還期久道化能成勸興義學和栽樹與頌時時載道聲
教士渾如把樹栽頻沾化雨荷深培愧予辜負梁公德不是藥籠有用材
清潔無私德意崇冰心一片玉壺中宦囊若到臨汾檢携得鞞山兩神風
一曲驪歌楊柳台簡書偏共漏聲催漳濱長望情何限夢想芝顏喜再來

晚遊南山

范獻驥

片雲來去蕩清空山色澄鮮意不窮半壁層巒分上下兩池流水判西東霓裳有曲隨風度時山寺演劇雉堞遙臨隔岸融我欲回歸頻注目芳菲滿地夕陽中

邳神廟迴廊題壁

前人

曲檻風濤萬里情西來爽氣覺秋生寥天雁度平沙遠隔岸河開夕照明樹隱南亭多雨霧地隆北極湧山城如斯好景無題碣前輩題咏未及斯景者留與曹蜍續乃賡

次李明府若仙留別南亭原韻

前人

慧眼婆心莫障塵一經著手便成春慈航普渡人多少的是彌陀現化身
君子至斯曾幾時官聲又被上官知留公無計公偏去不忍長隄折柳枝

如公公正與廉明何待三年治績成留蔭甘棠人作慕猶聞後世頌聲聲

滿城春色樹多栽公於城外栽樹數萬餘株端賴阿公着意培十獲應教償此願那能有木不成材

猶是陶唐古樸崇讀書堂在柳深中千門萬戶絃歌起布化如同草上風

武民坐未穩春台公大堂對聯有願與民同上春台之句公又何之被上催應有人家爭禱佛潛求他日復重

來

九日與魏君士奇采臣潭九兩兄同登北閣 前人

秋風萬里逼崇臺拾級登臨倦眼開窮勞裨山排岫出紆迴漳水抱城來雲飛遠浦連

三峽禾刈平原擴九垓翹首乾坤渾欲老千年宮址付蒼苔閣下爲石勒傳案

連朝素色麗清秋時屆題糕興倍幽花若有情應冒雨人逢逸事快登樓朱萸酒熟開

三徑烏帽風狂落九州自古重陽傳令節登高直欲會名流 前人

南城晚眺

憑欄一高眺俯仰意如何夕照城中遠春風陌上過陰雲出古岫漳水乏清波側首東

郊望慇懃寄意多昔年曾設簡東嶽廟

武鄉新志 卷之四 藝文

七四

次曾明府樹棠留別南亭人士原韻 前人

旌麾臨洩歷三秋闔邑軍民解困愁一片慈心蘇餽轍滿腔忠悃報龍樓廉明久已孚

羣望清慎依然勵素修放罷官衙琴一曲千秋無愧附名流

恩膏不問地彈丸兩袖清風作好官昇級欣看三事近攀轅求駐一時難訟餘垂誠恩

無既出後縈思夢未安雲樹迷離旌旆遠遙天福曜瑞常攢

次李樸庵進士留別南亭自治同事原韻 前人

時艱共濟見經營大雅無違物我情易俗方期臻上理洪鐘有叩即聞鳴行看政績宣

朝野刻有邵門之役惹得編氓話雨晴別後風徽思不置瓣香人頌李長庚

狂瀾力挽費經營勞怨無辭感至情剔弊端能清蠹蝕因風輒自想珂鳴德輸梓里孚

羣望詔赴金臺趁晚晴他日九重襄雨化吾鄉先慶免呼庚 前人

題南亭詩鈔

後賢先輩匹無儔展卷儼然聚一樓魏一泉先生題先大父刊南亭詩有二百年來前後輩攜手同登文選樓之句名屬柴桑皆入選詞關

風化即兼收寫懷咏史鳴天籟異代同堂覲面謀似此詩魂猶未絕何煩麟筆紀春秋

晚約同人遊大司馬魏公蓮池舊址

前人

此地曾分太華蓮而今寥落異當年全無荷蓋迎朝露剩有楊枝掛晚煙
偶伴朋儕探古蹟敢云歌詠繼前賢先賦斯景者甚多何時再遇風騷主重起樓臺潯碧泉

韓山懷古

前人

雲流星散感滄桑幾度臨臺向夕陽此地龍興追石趙他年鹿逐比高光
韓聲久斷英風杳鐵騎無存霸業荒我欲憑凌徒浩嘆清漳東去水茫茫
南亭舊屬蔡皋狼故壘千秋草木荒無客解紛平智趙有人關論過高光
浮雲天外思陳蹟流水聲中憾夕陽文獻不存遺老沒飄零何處問興亡

乙未秋重遊東嶽廟回憶數十年前讀書於此至今時勢不無變遷因以致慨

前人

禪房課讀卅年前夜半高歌月在天不謂今朝重到此寂然宮殿鎖秋煙
翹然古刹峙崇岡風掃簷鈴雀繞梁舊地重經徒致慨不聞人語亂斜陽

南山題壁

前人

武鄉新志

卷之四 藝文

七五

轉側步林泉山深不計年徑荒餘鳥跡壁峭隕苔錢草秀風和日人來雨後天
澄懷無俗慮此境隔凡仙

哀鐵佛七古

程楚雲

武城之東有東寺鐵鑄佛像坐列次自明迄今數百年敗瓦頽垣久廢棄
昔日崇拜何其尊今日荒涼可酸鼻司其責者爲何人不見不聞豈不愧猶憶
三五年少時曾到城中爐小試偶隨同人來此遊有牆無屋已驚異至今又
隔數十年風吹雨淋鮮蔭庇滿身繡成苔蘚斑頭裂體傾位易置我聞原鑄
十八尊其一他鄉久逃避今時慘狀劇可憐胡不攜伴遷其地又聞佛法
神通大霎時現相超人意只須運法吹氣中金闕銀臺眼前事忽然變作
莊嚴相如此人亦受其賜胡爲無臭復無聲草沒塵埋如蔽器自從歐學
漸東來神道設教皆疑貳青年佻達更無倫不似昔人癡如醉若非棒喝打
當頭誰舉廢墜崇祠侍我今農校忝執鞭地近神庭數數至傷心慘目不忍
親手無斧柯徒墮淚哀哉鉄佛將毀遺古人創造非易易我佛如來顯神通
胡不示夢警官吏

土人言此爲十八羅

漢請觀音像後一尊忽自徙於某處不知果有此事否

九日登鞞山

前人

漳濱遊罷陟峯巔多少愁思在眼前野鵲競啼黃葉樹征鴻哀動白雲天防爭息戰爲
童聖薄賦輕徭憶昔賢理亂不聞嗤我悶遠書何處得魚箋

次姚際唐過墨鐙原韻

呂景端

萬國衣冠集冀州先生何苦效遨遊僅陳雞黍君休笑莫悞箴規我自愁爲得龍門身
始重高攀冀尾意何羞誠心欲鑄金師佛願效平原十日留

夜宿故城喜雨

魏宗庠

旱魃頻爲虐皋狼此又過濃雲方密布大雨忽滂沱舊事從頭說新詩信口哦倦餘依
枕簟不問夜如何

遊南山

郝麟

踏遍南山興未闌先賢題詠幸同看探奇不覺歸途晚莫話羣愁話舊歡
我弄笙簧鳥弄聲松濤相和助幽情老僧有意留佳客惟有煩煩俗務縈
徘徊信步入南山百樣名花百樣顏老宿名流留勝跡自今朗誦不須刪

某先生意欲刪改

武鄉新志

卷之四

藝文

七六

偶眺南山恰遇春南山一入淨囂塵何時再約羣仙會還賴龍槐作主人

遊玲瓏山答家叔虛甫

郝麟

父與兒遊眺行行喜欲顛剛至玲瓏境時當正午天倦憩深林裏欣欣共息肩狼藉踞

虎石山有臥龍石蟠座神前戶啟憑風閉山枯賴雨鮮籬邊花片片溪畔水涓涓邂逅村隣

老烹茶恰正然不爲五斗米惟求一味閒幽興無闌意峯腰起暮煙穉子牽衣問歌詠

其言還

端午

張秉正

端陽躡柳到山坡指顧山間草木多近午倦遊將欲返也隨童子採蓑蘿

鞞山書院懷古

魏錫磐

鱣堂欣見講堂開無數文人次第來憶昔其間排將畧而今斯地育英才兩行侍側程
門雪一邑絃歌石氏臺莫謂武城曾好武鞞鳴已罷鐸鳴纒

鞞山懷古

前人

晚風吹至趙王臺四面雲山眼界開憶昔前人神獨往慨今我輩跡偕來儒書莫識興

王業邑乘纔稱蓋世才磊落英雄曾在否空留此地任徘徊

禱南神山 十五韻

僧恒橋

天涯策蹇印蒼苔為上神山別沁來松峯突兀山城右 山在武鄉城東南 榴花噴火釀奇災憑虛

四顧焦麥隴莫教禾塍遠近開 時旱極不拂地 一聲山木折狂風滿道怒塵埃 風塵四起不見天 漠

漠如流村樹隱那見菽粟和雨栽似此旱氣連日擁幾人窮途淚滿顛不聞荷池喧夜

半辱著何時減樓台封疆大令愁百結神蛟洞裏幾徘徊 城東有蛟龍洞宋大令往禱數次不雨 焚香四句空

拜禱縉紳無策壯志灰敝衲破雲遊此土 四月十四日 有人推轂到崔嵬盃盤羅列花菓

供稽首桃李獻幾枚潛龍與我泉一鉢 二十三日亥時開於紅龍廟 三更徧洒翠林隈百萬生靈同涸轍

直待西江放春回倏爾白點清晨散涼徹午窗峭晚雷萬里沾足蒙靈祐盈眸百穀綠

成堆 是日大雨連夜

論曰雜記屬旁蒐博識之林序目留繼往開來之蹟若僑寓諸賢或則寄跡是邦清風亮節足以廉頑而立懦或則久居茲土代遠年長均能族盛而裔昌彼白日飛昇之舉迥超出科學知識律以外固難遽以置信乃宇宙間多不可思議之問題烏能臆斷其

武鄉新志 卷之四 藝文

七七

必無也他如琳宮梵宇向非國家祀典之所列然今之信教自由載諸憲法庵觀寺院豈大同時代所宜廢耶至於醫學推為仁術詩文關乎國粹苟弗採而輯之則不免為邑乘終結之大缺陷世之究心鄉邦掌故者或不以斯言為河漢乎



